




4000^m
Kampuchea

A. CO

Selong $\frac{V_1}{\frac{11}{P.}}$ 19424
?









Discursus

DE REBVS
GALLICIS.

Quo

DE TOTIVS EVROPÆ

*Statu præfente accuratè
differitur :*

&

REGES AC PRINCIPES

Orbis ad viuum depin-
guntur.



Ex

Speculâ Halcyoniâ.

clo 1o xxcix.

Case
F
39
.321
1529 disc

THE NEWBERRY
LIBRARY



DISCVRSVS DE RERV M GALLICA.

rum statu præsente.



ET V S est, de littore
estuâtes spectare un-
das, & de terra maria
videre impetu pcela-
larum répestatumq;
agitata, non minimâ
afferre delectationē.
Quod facilè credo :
quasi quis diceret, satius esse, procul veniē-
tia prospicere pericula, quàm subire præ-
sentia. Verùm enimvero si ex altera parte
quasi de specula nauiculam aspicerem, in
qua vel de commodis vel de amicis meis
ageretur, in discrimine versari, & sine spe sa-
lutis aduerso fluctu & turbine ad scopulos
deferri, nō sine dolore inciderem in istius-
modi spectaculum. Si Gallia ne minimè
quidem me tangeret, eius statum cum iam

intimè perspiciam, vel nullo cum negotio de ea possem dicere, si quid inde noui mihi afferretur, perinde mihi istuc foret, quicquid foret: sine molestia acciperem, præclarè mecum actum putans, quòd extra reli iactum sim constitutus: neq; maiori cum animi commotione alios de hisce motib. loquentes audirem, quàm si quis, quæ Romæ sub Tiberio, aut Nerone gesta sunt, mihi percenseret. At verò non possum Gallus cùm sim, nō possum (inquam) maiorem in modum non commoueri, præsertim cùm iam videam, meæ unicam illam & rei & spei tanquam Argonauem illam, cui, quæ habeam carissima, crediderim, ipsa etiam cùm sit vel meipso mihi multò carior, hanc cùm videam passis velis ad naufragia properantem: cùm defixis oculis aspiciam patriā meam, primam meam parentem, quæ tam vario morborum genere desperatissimè laborat, summa cum difficultate extremum iam spiritum exhalantem. Ignoscendum igitur mihi hoc est, si querelis partem doloris mei lenire studeam, cùm voces illæ multò grauiores sunt, quas tristitia, quā quas lætitia ex pectore depròpserit; si quando in aduersis vuculas minus solitas mœroris nostri testes suspiramus, faciliùs audientiam

dientiam conciliant, quàm si de oscitante ingenio, assiduis voluptatibus liquefacto, quod nihil nisi vulgare parturit, promanarent. Hæc huiusmodi sunt, quæ per se materiæ solummodo quam tractant, non ordinis nomine, lectu digna videri possunt. Nonnulli sunt qui patriæ vita, & fortunis suis inseruiunt: honestè quidem faciunt, siquidem id possunt. Patriâ deplorare meæ sunt partes, illi solis lachrymis mihi litandum est: siquidem nihil iam restat aliud in quo debita mea officia præstare queam. Illos cum ego laudare soleam, quid est quod illi me reprehendere velint? Faciam idem quod illi, cum facultas dabitur, & illi si hîc essent, idem mecum sentirent.

Dum in hac regione, Dicæe mi, quò me res aliæ meæ perduxerant, animo essem otioso & soluto, primùm mihi renuntiatum est de Rege per Ducem Guisium Parisiis fugato: Hic, ut plerunque fama res maiores fiunt, primus rumor percrebuit. Quisq; de hisce quæ afferuntur noua pro suo animi affectu commératur: & nescio an ipse communi hoc vitio laborans, hisce hominum sermonibus aliquid statim addam de meo. Sed memini me tum quibusdam præsentibus dixisse, tam crudele aliquid factum

fuisse, non posse adduci ut crederem: non dubitans, quò minus id fieret, non fterisse per huius formidinem, sed potius in illo defuturam tam insanam audaciam. Tum temporis aut non multò post, venerunt ad manus meas duo eaque diuersa opuscula. Alterum Regis declaratio fuit, earum rerù, quæ Parisiis duodecimo die mensis Maij contra se ipsum tentata sunt: sed ea quidè tam frigida & meticulosa, ut nihil supra, tanquam si quis de iniuria queri vellet, nec eum tamen qui hoc fecerit, nominare audeat; ac si quis semper sibi metuat ab inimici iracundia, donec deferbuerit, ne ad vererem forsan iniuriam accumulet nouam. Rex cum sit, de vi aut fuga pudet quicquã fateri, neq; iniuriam hanc appellare audet, tantum abest ut supplicium indicat. Non imperat vltcrius, sed subditos rogat. Denique quod omnium turpissimum est, rem sibi diuinam faciendam censet, quò citius istæ turbæ sedari possint, nihil tam veritus, quàm ne dux Guisus hoc forsan iniquius tulerit, quòd in palatio suo sese ab illo opprimi non passus sit, quin potius sibi fuga consuluerit. Alterum econtrâ opusculum binas ducis Guisij literas còtinet, priorem ad Regem, secundam ad populum, vtrasq; satis

fatis militares, gloriosas, confidentes, in quibus res gestas suas magnificè enarrat, dicitq; vnum illum diem à Deo immortali sibi cœlitus non datum esse, nisi ad magnum aliquod & memorabile facinus perpetrandum: quod etiam persequitur sermone nō multo, sed præfraeto animo nusquam metum præ se ferens, sed sibi prospera certissimè pollicitus: ad extremum autē minas exaggerat, sibi certum hoc esse, vel inuitis Diis partes catholicas ppugnare & regio latere quoscunq; à partibus Hæreticorum stātes excutere, ducem autē Espernonium innuebat. Tua, mi Dicæe, harum rerum curiosa indagatio, vt tibi potissimum ista darem, me incitauit, vnaq; etiam iusta indignatio mihi hanc extorsit commentatiunculam, de rerum Gallicarū statu tali, qualem hodie videmus esse, quæ tibi vsui esse possit, quod melius de hisce duobus scriptis iudiciū feras, quin euulges eam, si tibi ita visum fuerit, dummodò de vtriusque nostri nomine conticescas. Nam & aliò nos iam vocamur: sin minus, apud te in bibliotheca asserues.

Gallia in tres partes distrahitur. Dux Guisus & agnati ipsius ex illa parte: Veluti duces DuMaine, d'Aumale, d'Elbeuf & de

Mercure, partim fratres, partim consanguinei, meo iudicio, primas tenent, & potentiores videntur, & sunt ij, qui cum suis coniuratis sanctum fœdus nominantur. Ipse Rex secundas tenet, qui legibus quidem innititur, sed viribus destituitur. Rex Navarrenus & aliqui etiam Principes Catholici regij sanguinis, D. de Montmorency, Summus coronæ magistratus, de Touraine, de Chastillon, & multi etiam viri illustres tam Evangelici quàm Catholici, tertias occupant: quæ ut iustior, ita & firmitior, & stabilior meritò dici possit. Primam appello potentior, siue quia quasi membra mihi videntur propagata de vniuersali illa coniuratione omnium totius orbis Christiani principum Catholicorum, qui sese mutuo fœdere constrinxerunt, ut Pontificis auspiciis omnes eos, qui puriorem religionem profitentur, ferro & flamma persequantur; siue quòd hæc factio noua sit, & nouissima quæque in Gallia primo quoque impetu nimis dominantur: cuius rei argumento esse possit apparatus ille, quem prioribus motibus huius regni Evangelici fecerant: cuius præcipuas ciuitates omnes penè, vna solummodo vel duabus exceptis, possederant; & tamen anno vix elapso, illis ne vna quidem

quidem superstes remanserat. Siue deniq;
quod inter Catholicos fundata illa sit, qui
Euangelicos numero longè superant. Illi
etsi nò omnino & omni ex parte inter con-
iuratos recenseantur, in hoc tamen omnes
consentiunt, quòd religionē suam sartam
tectam seruare cupiant, atque isto prætex-
tu illis maximè fauere videri volunt, qui
huius in se defensionem suscipiunt. Atque
hec causa est, cur hodie illa factio potentior
appareat, quamuis reuera neque ita sit, ne-
que ita diu durare possit. Quod regias par-
tes magis legitimas dixerim, quis ausit hoc
inficiari? qui quamdiu ad suum, non alie-
num, viueret arbitrium, & ille solus subdi-
tis imperauit, quod & idē iam fieret, si Rex
velleret, sed vt maturè hoc velit, necessariò
expedit, quod si adhuc etiā procrastinando
omnibus notum fecerit, cuiq; licere illum
in suo regno non contemnere modò, ve-
rùm impunè laceßere, omnem spem pristi-
næ dignitatis recuperandę abiiciat necesse
est. In illius sola magnanimitate, hoc quic-
quid est remedij Deus immortalis colloca-
uit. Dixi etiam illius partes imbecilliores
esse, verum est; quod ita non videtur, & ta-
men ita est: eius rei plures rationes afferri
possunt. Ille primum qui regit, ita omnia

administrauit, vt faciliè appareat ex tribus illis trium partiũ antesignanis regem eum esse qui minus valeat & plus metuat, qui minima quęq; aggredi extimescat, contra quem reliqui & faciliè tentare, & fidenter exequi quiduis non dubitant, eò tandem potestas eius deuenit, vt nihil aliud iam sit, quo subditorum animi compesci & in officio retineri queant, quàm auita illa quã regibus suis exhibere soliti sint reuerētia & patrius mos quem mutare difficile est; magnam (me Hercule) vim hæc habent in pacata Republ. nec tamen ita magnam, quin vnus quadriennij bella intestina tã faciliè iam euerterint quàm Romæ aliquãdo minori temporis spatio & aliis etiam locis vbi hæc mala grassata sunt, factum audiui-
mus. Quod ex nulla aliare enascitur, quàm cùm principes despiciatui habentur, quo nihil maiestati Regiæ magis contrarium. ex istis quid triginta annorum bellum ciuile, quale hoc nostrũ fuerit, effecerit, coniecturam facite. Secundò Rex noster in imperio quasi sol occidens tam imbecillos in occasu emittit radios, vt iam coràm & in os & scriptis differentes, & armis dimicantes, de successore patiat. Istuc si reges aliquando ferant, actum est, ilicet perierunt.
Romæ

Romæ Cæsarum temporibus capitale hoc fuit, si quis de futuris à morte Imperatoris contingentibus disceptaret, tantum abest, vt vel verbum de successione mutire auderent. Huius rei testis citetur locuples Tiberius, qui post aduersam valerudinem in extrema iam senectute egrotus decubens, à Caligula hærede suo principe iuvene & florente suffocatus est, metuebat videlicet ne à deliquio respiras Tiberius, eum capite mulctaret, quòd durante deliquio Caligulam imperatorem homines salutarent. Tanta illis religio fuit imperatoriam dignitatem ad extremum usque spiritum conseruare. Ottomanni, vt filij in patris conspectum prodeant, nunquam patiuntur, quasi sperare filium nihil aliud sit quàm desperare patrem. Sed quid externam querimus cum domesticis exemplis abundamus? Fertur de Francisco, cognomine Magno, huius regis auo paterno, quòd cum iam ægrotaret in Castello suo de Fontamebleau quòd se semel receperat, initio mensis Maij, eo ipso anno quo moreretur, adeo ille morbus ingrauescebat, vt omnes illum tum aut pro mortuo ducerent, aut saltè non diu superstiti futuro: statim ad Henricum Delphinum omnes aulici confluunt, qui ob metum

istius suspectæ & inuisæ successionis, per
torum septennium ad patrem propius nō
audebat accedere: ita vt vix vnus quidem
alicuius loci regi relinqueretur, tam con-
fertim omnes ad orientis solis adorationē
contendebant. Interim ex illo morbo rex
conualuit, quo liberato, fortē dies, qui vo-
catur Ascensionis, instabat, qui apud Gal-
los valde admodū solenni ritu celebratur,
surgit delecto Princeps senior, ornat se,
prodit & vultū & comam ita componit, vt
vel morbi vel senectē nihil appareat; splen-
didam & iuuenilem vestem induit: talis in
processione conspectus est, & ipse etiam
velum conopeum dictum, illud quo corp⁹
domini contegebatur, eo die gestabat, qui
reuersus hasce voces adiungit: *Semel adhuc,
priusquam moriar, saxo me metuant:* quod quidē
ita euenit, & subito mutata fortuna est: vix
enim rumor de regis sanitate sparsus est,
cum extemplō omnes aulici viritim ani-
mis suspensis & sollicitis ad regem reuer-
terentur; & iam vicissim Delphinus ad Pa-
tris exemplar solus maneret. Istuc fuit re-
gem esse, istuc fuit metui & coli. Quām va-
riæ adhuc per orbem gentes reperiuntur,
apud quas capitale sit vel in præsumptum,
vt Iurecōsulti loquuntur, successorem de-
functi

functi principis curiosius inquirere, vbi regi antiquius nihil esse possit, quã incerta hæc omnia relinquere. At hei miseris! multo secus in nostro rege, cuius imbecillitas & nimis lentus languor quid nõ permittit? vt non tantũ de hereditario regni iure vel in os disputaret, verũ etiam à quibusq; ipse cogi se passus fuerit, vt hæredem designaret, & testamentũ conderet, quasi solũ restaret, iam iam moriendũ. Eius in regnãdo imbecillitas & desperatio, aliorumq; in illo offendendo impunitas fecerunt, vt hodierno die tam liberẽ Gallus, quàm Hispanus profiteri audeat, se regis sectatorẽ non esse; cùm contrà, ante triginta annos, pro læsæ maiestatis aut parricidij crimine hoc haberetur. Denique huius emasculatum imperium tam inglorium est; vt & ipse aliquando apud exterum principem, à corona Gallicana non ita disiunctum, versatus, dum sermones de nostro rerum statu vltro citroque confererentur, ita quendam dicentem audiuerim; eodem planè numero apud nos Regem esse, quo apud Arithmeticos cyphram, vt vocant, quæ cùm per se nihil valeat, aliis tamen figuris si addatur, summam facit cumulatiorem: quæ inquam hisce auribus audiui meis, cùm

gentis nostræ nomine & pudore, & angore, penè disrumperer: quamuis diuisi & diuulsi nostri imperij negotia, quibus extraordinaria cogimur accersere remedia, non tam sua quàm aliena etiam causa me eò vocassent, atq; ipse hic sermo non abs re mea fuerit, ad ea quæ cupiebam, perficienda. Tertiò de suis sectatoribus nihil certi potest sibi polliceri. Illi animum penitus despondent, quia regem consternatum vident, hi quid stabilitatis ab illo expectent, cum ipsum à fundamētis concuti animaduertant? Neque verò hostem serio aggredi, qui illius iugulum petit, satis tutum putant, cum & ipsum hæc omnia perferre, & vix conqueri audere planè perspexerint. Atq; hoc pacto tum procures omnes, tum ciues omnes, tum subditi denique omnes partes sequuntur. & credo equidem ex omnibus, qui cum illo coniunctissimè viuunt, neminem reperiri, vno aut altero fortassis excepto atriensi seruulo, cui se tuto possit credere, qui non apud se aliquod facinus singulare à regis mēte alienum, animo designauit, qui non cum aliquo inimicorum regis fœdus percussit. Nam si semel hoc innotuerit, regem subditū suum quencunq; extimescere, alium aliquem esse, cui
viribus

viribus & potentia rex cedat, valeat statim
omnis maiestas & potestas regia necesse
est. ad eum alterum omnes vndiquaque
confugient. Nos etsi liberi esse non possi-
mus, saltem vni domino parere volumus.
Si hic dominus alium forte habeat fortio-
rem, continuò priorem deferimus, & po-
steriorem amplexamur, ita homines natu-
ra sunt comparati. Quod ad Nauarrenas
partes spectat, illas iustissimas esse initia
horum bellorum fidem faciunt, ille se de-
fendit; sui defensio & hominis & naturæ
legi consentanea est. et ita se defendit ta-
men, vt prætermissa omni querendi occa-
sione, regi molestiam aliquam exhibere,
semper illi religio fuerit (etiam tum, cùm
bello ardere omnia videret) quippe qui eū
factioso coniuratorū bello satis impeditū
videret, quanquā qui dubitare potuit, quin
istorum tumultuū reliquæ in ipsius tandē
caput redundarent? neq; hoc solum, sed
quotiescunq; occasio tulerit, ille se, vitam,
fortunas suas toties obtulit, ad pristinam
regis autoritatē ab hostibus vindicādam,
ea lege etiā & conditione, vt rata, & firma
ea pacta habeat, quęcunq; illi à regia maie-
state proponerentur: illum hæc obtulisse
scio, immò etiā post nouissimos hos belli-

eos motus: quanquā infinita in istis bellis contigerant, quę illi manifesto documēto esse possunt, Deo soli & gladio, nulli mortalium sibi fidendum esse: Firmiores aut̃ illius partes nō sine ratione dico. Primū sua ipsius persona multū iuuat, nec mediocrē hoc beneficiū inimicis acceptū referre poterit, à quibus tam peritū imperatorē esse didicerit. & certē is est q̃ cum pręstantissimis quibuscq; omniū ætatū imperatoribus meritō conferri debeat: at magno cum suo malo, dixerit quispiā, certē cū illorū multō maiore, qui eum in isto tyrocinio instruxerint. sequaces habet multō stabiliiores eum solum respiciētes iure conscientię cōstrictos, q̃ adamātino quodā vinculo eos colligauit, siue religione quadam cōmoti, siue q̃ iustissimā in se causam suscepisse sibi persuadeant. Sui multō expertes magis, magisq; exercitati, vt deinceps ne in vita quidem vlli casus aut euentus metuendi sint, quos illi iamdudum non subierūt, nec inimicis quicquam iam restet, q̃ machinētur noui. Et si superiores duę partes, haud secus atq; ista, illarum, ita illę huius vires impetrusq; pari modo persensissent, illas, multō magis quā hanc, labefactatas cerneremus. Pręterea naturali & hæreditario successione
nis

nīs iure nititur, q̄ illi à nullo alio, quouis
prætextu præripi possit: & fingamus totā
Galliam mutuo consensu, ius hoc, cū illi
obtigerit, adempturā, quem tandem illius
loco debeant surficere, alterum reperient
neminem. Non parum hoc est ad iūmētī, in
petitione nullum sibi certū proponi æmu-
lum. certa hæc indicia & spei & solatiij ple-
na haud paucos illi sectatores conciliant
nouos, veteres etiam multò facilius reti-
nent. Interim multorū animi, qui antiquā
Reipub. formam immutare nolint, cū id
sine summa omniū rerū perturbatione fie-
ri nequeat, bene secum actum putant, q̄ ab
illo solo pendeant, cui cū ipsæ leges por-
tam aperiant, non est cur murū ariete per-
cutiat. Atq; hætenus quomodo hodierno
die Galliarum regnum informatū seu de-
formatum potius sit, videtis. hæc præci-
pua membra sunt, quæ certis quibusdam
regulis efformantur: hisce etiam alia ad-
iungi possunt, quæ suis seorsim ordinibus
non constant, sed sub vno istorum com-
prehenduntur, quatenus rerum suarum,
& priuati commodi ratio postulat, qui ex
altera parte quasi subalternatim sibi meti-
ipsis solis cōsulant, suumq; aliis pro rerum
primordio, non pro exitu consensum præ-

bent. Ii sunt Regina Regis mater, Hispaniæ Rex, Duces Lotharingiæ & Sabaudia. Quod ad hosce attinet, ad faces & furias seditionum nostrarum magis inflammâdas, ad regem Nauarrenum, & Principes ex regio sanguine deturbandos, sæuis inter se conuenitur: sed in partitione non item. quisq; sibi vel integram prædam expetit, vel partem saltem minus inæqualem: Leonina hæc societas est. Conjicite cætera. His accedūt Principes Catholici ex Borboniorum familia, qui à rege non discedunt, sed eius sequuntur partes, propterea quòd Religio quæ sola Regem Nauarrenum separat, eos tamen minimè seiungit. Qui tamè eò nunquam perduci possunt, ut suis suffragiis Lotharingi aut Guisij Borboniis anteferantur: quin in illa contentione Regi Nauarreno seniori & proximiori potiora semper deferent, tanquam eadem stirpe & familia oriundo. Hi magna potentia & numerosa in Galliis gaudent clientela. Nam post Nauarræ regem ad unum vel alterum eorum sceptrum & solium proximitatis & prærogatiuæ iure deuolueretur. Hoc illud est, quod adhuc ducis Guisij consilia & decreta plurimū interturbare soleat. In his tã confusis & tamen quodâmodo diuisis partium

tiū distinctionibus, quibus, vt antea dixi, certam quandam rationem præscriptamq; normā dedisse videtis, qui horum confæderatorum sua sibi consilia à ceteris diuersa, animorumq; inductiones sibi sigillatim proponunt: Dux Guisus cum suis affectis quicunq; huic fœderi inseruntur, nec aliū, quàm illum superiorem agnoscunt, ad hanc solam metam collimant, ipsum imperium vel omnino vel maxima ex parte occupare. Prudentia hæc innata est, quā defunctus Lotharingi Cardinalis, huius patru⁹, hæreditario iure suis posteris cōfirmavit. Hic Princeps nostri imperij sola calamitas & patrem & patruum habuit, vtrumq; plane virum. Pullulantibus igitur iam intestinis nostris dissidijs regnāte Carolo in Catholicos & Euangelicos, cū viderēt pie memorię Principem Condēum, qui tum erat, ad horum partes inclinare, illi quod primā materiam hisce incendiis subministrarēt, aduersas planè in se susceperunt. Dux Guisus primas obtinebat, qui per auxilia & consilia fratris sui Cardinalis ipsum imperium haud dubia spe, sed occulta tamē cogitatione, aut sibi aut suis iamdudum destinauerat, ad quod Rege & fratribus eius adhuc pupillis existentibus, sibi per bella

ciuilia patefactâ videbat planam, apertam
& directâ viam. Obiit ille, & hic quasi in-
fantulus tutelæ fratris Cardinalis cômît-
titur. apud quem vnâ cum lacte nutricis
primos satus domesticæ ambitionis exsu-
xisse videtur: quos tamé tam dextrè tenel-
lus hic pusio exhauserat, vt breui præclara
indicia ederentur, filij viriditaté patris ca-
niciem longè seperaturam. Et vt ingenuè
fatear, tam multa hic habet à natura cum
animi tum corporis subsidia, vt ad maxi-
ma quæq; natus videatur. Ego quidém sem-
per huius diem natalem, verè fatalem fuisse
existimaui, quo tanquam diuino præsa-
gio nobis portéditur, à Deo nonnullas re-
gno Galliæ impendere mutationes. Ipse
solus fœdus constituit, reliqui eius familię
omnes hunc vnum adæquare nequeunt, &
vniuersi coniuncti vel minimâ partem ea-
rum rerû quas ille aggreditur, exequi aut
perficere nesciūt: admodum versutus, val-
de sagax, egregiè perspicax præ cæteris sin-
gulis suæ factionis est. Id cum omnes alij
ex factis colligant, tum ipse ex scriptis ali-
quândo vidi, idq; eius propria manu, ex qui-
bus quàm turpiter sine illo ex suis præci-
pui viri hallucinati sint, in re grauissima fa-
cile apparuit. Ecce quis illi animus; quæ
meta

meta, quod propositum sit, qui rerum progressus, & quomodo omnia administret deinceps considerate. Hoc illi acerbū fuit quòd in Oceanum hunc negotiorum primum soluens, multos inuenerit hæredes Galliae sui penè equales, qui regni capaces apti satis essent per vices succedere, matrimonia cōtrahere & liberos procreare. Hæc illi animum adimere possint, non tamen propterea cū semel sese recollegerat, frangi aut debilitari se pati voluit, sed ad tēpus fronte suam sentētiā occultans in eo acquiescit rātisper, dum catholicis partibus altius fundatum firmiter sese possit constabilire: in eo verò familiæ suæ & domesticę disciplinæ obsequitur, tum fortuna adiuvat, aliàs etiā ad virtutē prosperi successus accedūt, ita vt beneficio nominis & memoriæ paternæ p bella ciuilia, q̄ patruus illius aliqua semper ratione incendere solebar, primarius iam functionis Catholicæ constitueretur, diligētius ciuitatibus hisce obsecundās, quę post lanienā illam factę sunt multò turbulētiores, vtpote quę principē Euangelicū perpetuò formidarent: ipsoꝝ verò ciuium familiaritatibus intimis ita se immerisit, vt blanditiis suis & illecebris omnīq; ratione populari in eorum tum au-

res tum animos influeret. Prima hæc & certissima indicia sunt, eius qui tyrannidem affectat: Rex Carolus sine liberis mortuus est: coniugem & Henricus habet, sed sine prole: quod maius est, regno deesse rectâ linæ hæredes animaduertit, collaterales proximè vocari, quò propiùs ille sibi videtur accedere, vnde se legitimam suam petere multis testimoniis iâdudum significauit: occulti etiam rumusculi sparguntur, eum de Carolo magno originem duxisse: Valesios autem à Capetone, qui falso titulo ad coronam obrepserat, & suam familiam iniuste expulerat: Vnde & manifesta indicia data sunt, se vix tandiu expectare posse regis præsentis mortem & fratris illius, qui duo soli ex regia sobole restabant, vt tum demum successionis causa ageretur, quin potiùs iâdudum hæc anticipari oportuit. Nihil tam illi videbatur obistere quâ pax. Nam cum soli Catholici factiosi & ciuitates seditiosæ huic vni pro saxo essent, cui adhæresceret, omnē apud eos & fidē & famam amisisset, nisi nouos motus cōtra Euangelicos resuscitasset. Etenim hoc certissimū est, q̃ veluti bellum ciuile in vno statu varias partes fouet, sic diuturna pax eas vniuersas, regis sola excepta, penitus evertit

euertit; adeo vt illi nullum præsentius remediũ esset, quã omnia miscere: & ad mutuas cædes reuocare, postea p sua commoditate quiduis aggredi. Anno 1578 fœderis quandã societate iniuit, huic posteriori non dissimilem, Regi nihilominus sua auctoritate integra relicta, fratre Alenconio adhuc superstite, qui plurimorũ animos & voluntates sibi in Galliis obstrictos retinebat, vt tãtò plus huic detrahi necesse esset. Illa nõ citius nata quàm strangulata societas est, & sub cõditione vnus exigui belli contra Hugonotos suscipiẽdi fœdus dissoluitur, q̃ tamen nõ ita multò pòst sedatũ est. Galliis bienniũ aut trienniũ iam respirandi tempus datũ est. Interea loci incredibile dictu est, spirit⁹ iste turbulentus, ambitiosus, facinorosus & p̃pterea omniũ toleratissimus, quàm varias & diuersas deglubere se passus sit iniurias, ea gratia ne cõsilia illius suspecta fortè essent, qui quamdiu pax & summa regis potestas durarent, tam peritè omnia dissimulauit, vt etiam apud multos despiciatui duceretur, quibus minimè perspecta tum causa fuerat, tam obstinætæ & præfractæ (vt ita dicam) patientiæ: quo quĩ potuit apertiũ diu præmeditata & abstrusissima consilia præmonstrare.

Tandem fratrem Regis Alenconium, qui
tum hui⁹ luminibus plurimū offecit, mors
opprimit. Hic aliàs erga illū malè affectus,
qui cū sibi quēdam de statu Flandriæ de-
signāssēt, ille qui tum cum rege Hispaniæ
clandestina captaret cōsilia, valde iniucun-
dam hac in re illi præstitit operā, adeò vt si
adhuc vixisset Aléconius, à multis hoc au-
diui dici, Guisio malam illū gratiam rela-
tūrum. Vt sit, tamen inuitissimè pertra-
hebatur, ad aliquid in Gallia molendum
Alenconio superstite: hui⁹ mors siue casu,
siue consultò accersita illius in rem oppor-
tunè accidit. Consultò dico quia Salœdis
confessio & totus ille processus iudiciari⁹
multorū animos hac ex parte suspēfos te-
nuit. Humato semel Alenconio, vno rege
in medio relicto, statim illi pulchra videt^r
oblata occasio, vel ad ipsum fastigium per-
ueniendi designationis suæ, à Patre & Pa-
truo post triginta iam annos inchoatē à se-
ipso summo cum studio & sollicitudine e-
laboratæ. Nonnulli ita existimabant: Gui-
sium in vitam regis aliquid machinari: Alij
inani tantū illum lactari spe; & Astrolo-
gorum prædictionibus niri, quæ illi vn-
diquaque iam occinebantur, breui cer-
tissimam regis mortem prænuntiantes:

Vnde

Vnde facile iudicauit, post principis mortem regni statum in tranquillo esse non oportere: non ignarus in Galliis regem omnino non mori, quin alter continuo surrogetur, qui suo aduëtu omnes molitiones, quæ tum primùm cōtra illum aggredi quis veller, facile interrumperet. Quin potius ante regis mortem contra proximum hæredem armanda manus est, idq; nomine & autoritate præcedentis Regis obuallari oportet. Hoc modo patris monitis, & domesticis subsidiis obsequurus Anno 1585 nouis furiis imperium exagitat; primùm autem regem lacepsit, quem, cū persuadere non potuit ad regem Nauarrenum oppugnandum, vi cogere statuit. Primus prætextus hic fuit, ob regis orbitatem periculum esse, ne regnum Galliæ ad hæreticos deuoluatur, id quod & ipsum & reliquos Galliarum Catholicos tumultuario statim motu commiscuit, præcipuè cū viderent Euangelicorum antesignanos, regem Nauarrenum innuentes, tantâ gratiâ valere, & secretiora cum illis consilia communicare, qui Regi ex intimis essent: hoc dicto ducem Espernonium significabat, qui iam nuperrimè ex Aquitania redierat, ubi Nauarræ regem inuiserat. Deniq; cū metu illo

quem suo regi incusserat, nō nihil sibi com-
 parasset subsidij, exulceratis iam omnium
 eorum animis, qui regi vel à consiliis, vel à
 colloquiis essent : continuo bellum Na-
 uarreno & Euangelicis denunciat: Atque
 ipsum hoc eius bellum est, quod hodie etiā
 adhuc durat, cuius in extremo hoc solum
 consilij captat, perficere nimirum tandem
 illud, quod iam diu designauit: Parisiense
 factum certam fidem facit. Nihil amplius
 iam illi videtur restare. Nam quòd arma pu-
 blicè contra regem Nauarræ, idq; consilio
 consensu & authoritate regis, gesta sunt,
 hoc parum est. Præliorum autem exitus, &
 dubius Martis euentus est. Hic princeps
 magnificus & magnanimus est, & fortu-
 nis & clientelis præpotens; ab hoc in præ-
 sentiarum sperari quid potest, nisi magnū
 quid? Quod ad personam illius attinet, in-
 tuto est, nisi quis p̄ditorio dolo aut vene-
 no (quod Deus auertat) è medio sustulerit.
 Quod ad ciuitates quas possidet, duode-
 cim regna Gallica ad eas occupandas satis
 nō sunt. sed puta eas omnes amissas esse: in
 regē Galliæ cooptato, si Deus id tādē velit,
 p̄ter ensē suū, nihil amplius esse reliquū:
 & hoc tñ satis est: Quā multi reges ex car-
 cere & monasterio extracti sunt, vt inaugu-
 raren-

rarētur. Nostra hæc ætas Carolum septimū
proscriptum & ad montes d'Auergue re-
legatum postea coronari vidit. Ludouicus
xii. etiam in maxima Biturigum turri ca-
ptiuus detinebatur, cum rex renūciaretur.
Si probabilia sequimur, vix suspicabitur
quis, Nauarræ regem eò aduersi unquam
prolapsurum: sed neq; adhuc tamen in eo
sunt omnia: incredibile dictu est, quantam
vim habeat in successione, manifesto jure
niti. Hæc sunt quæ duci Guisio cerebrum
excutiant, cui non vacuus solū locus in
folio reddendus est, sed vis etiam ad regnū
possidendum præmuniēda, id facile vider.
Quorum illud in regis Nauarreni interitu
& subuersione positum est, hoc in faculta-
rum suarum, gratiæ, authoritatisq; ampli-
ficatione: quæ tam diu parum aut nihil in-
crementi accipiet, dum sibi satis esse puter,
sub regis authoritate legionibus impera-
re, ipsumq; adeò contra Euangelicos suas
copias educere. Infinita præterea in ejus-
modi molitionibus accidere possent, quæ
desideriis suis duram securim iniiciant: &
quod antè dictum est, parum lucelli ab il-
lis sperandum est, qui se bene defendere no-
runt. Tum illud etiā spem imminuit, quòd
cum regem in istuc belli cōiecerit, subsidia

tamen ad hæc perficienda, nisi summis cum difficultatibus, comparari non possunt. Interim ipse, qui inter legiones præfecturam gerit, quid tanto dignum feret hic promissorhiatu, cum jam nihil ausit; qui gloriose in initio sui conflati fœderis loquutus, si nihil tanta expectatione dignum ediderit, pfectò & se, & suos funditus pessundabit. Rebus sic stantibus, in hoc solo acquiescit, dum fratrem suum in Aquitaniam contra Regem Nauarrenum mittit: ipse interea ipsum Regem invadit, apud quæ obliquis quibusdam viis minusq; directis proficere se solus posse sperat, & minus perdere. Fratresuo duce Mœno ex Aquitania reuerso, ubi ex rebus gestis hoc solû fuit, quòd gloriæ regis Nauarreni illiusq; præfecti summi, Domini de Touraine, quocum illi præcipue res erat, magnum cumulum adiecerit: vterq; iam palam cum reliquis suis ascititiis sanguinis & fœderis lociis ipsi regi imponunt, qui à generali nihilominus suo prætextu ne latum quidem vnguem discedunt: De bello hæreticis inferendo, in quo omnis armorum suorum sanctitas sita est, & cuius beneficio Catholicos suis obstrictos partibus semper retinent. Verùm primo quoq; impetu regem prouocare, nimis hoc

hoc fuit inuerecūdum, saltem aliquod velum obtendēdum erat. Nemo illorū deregio sanguine est. Nemo eorū ita Palinurus ad imperij gubernacula sedet, vt vel regis reformatio vel regni administratio illi tātē curæ esse debeat: sine hoc vno autem inane & irritum quodeunque est, quod præcipuè contra eum prætexant. At verò rex Catholicus non est? Papalis sanctitas sanctior nō est. At Hugēotos non odit? immò canepius & angue insectatur. nefas putat illorum quenquam vel compellare, hoc palam professus, funesto illo die, quo sol ipse nihil vnquam vidit immanius, se plures trucidasse Hugēotos, quàm dux Guisus vnquam viderat, magisq; eos etiam vexavit, quàm ipse Guisus postularet, ut nō immeritò grauius & acerbius de rege, quàm de coniuratis omnibus conquerantur: quorū præcipui & primarij nostrorū aliquot semper magnam clementiam humanitatemq; experti sunt. qua vna laude priuari non debent. Quī ergo scrupulus hic eximi poterit? Dux Mænius nimirum post reditum suum ex Aquitania statim scripta edi curat quædam contra Marefcallum Matiguoniū regis in Aquitania præfectum, quem rex in illa præfectura collegam adiunxerat, hanc

ob causam is læsę maiestatis & clandestini
cū hēreticis regeq; Nauarreno colloqui eū
insimulat, idq; vnū sibi in profectione sua,
quò minūs prælaram aliquam operam na
uare posset, plurimum obtitisse: huic ob
iectę accusationi ipsum regem etiam inse
rit; de quo queritur, eum sibi pecunias, cō
meatus, & subsidia reliqua belli anteuer
tisse, omnem deniq; ansam quiduis præstā
di præripuisse, adeò vt eo neminem hære
ticis amicum magis beneuolum reperiri
posse apertè pronunciare non dubitauerit.
Vociferatur ex altera parte Guisus, Ducē
Espernonium eum esse, qui regē detineat,
qui in hoc bello oscitantē & supinum red
dat, qui Regi Nauarreno inimico faueat
veterato quodam in sese odio. qui cū do
minum meruit, facilè tamen baculum in
uenit, quo canem cædat: hic hic Sexage
narium de ponte dejicit: is ipse est, in
quit, hæreticorum in Galliis præsidium &
firmamentum. Deniq; omnium, quotquot
sint, aduersus illum malevolentiam concit
tat. Audacter profitetur & denunciat, se il
lum omnibus regalibus ciuitatibus, præfe
cturis in Gallia exuturum. & quanquam
Regiæ cohortes omni hēreseos suspicione
vacent; tamē quia hisce Espernonius præ
est

est; eas data opera in Picardia sæpius ador-
 tas profligauit. Sub hac specie & inuolucro
 in sua præfectura omnes ciuitates, omnia
 quęcunq; possit præsidia occupat. Rex ha-
 rum rerum spectator suas etiam urbes in
 debita obedientia retinere vult. vt hoc ef-
 fectum der, suas constitutas iam copias in
 subsidium educit, peditatum videlicet &
 cohortes illas, quibus D. Espernoniũ præ-
 esse antea diximus. Ecce iam grauissimam
 aduersus regem institutam querelam, quin
 eò tandem res deuenit loci, vt Bolonia per
 Ducem Aumalium obseffa sit, Lutetia per
 Guisium capta, Rex in fugam versus, cæsæ,
 capræ, & profligatæ regis cohortes, quod
 & ipse Guisius gloriøsè de se prædicare so-
 let. Et suo quidem ipsius iudicio, si quis vr-
 bes, præfecturas teneat aliquas Guisiano
 imperio non obnoxias, si quis aditum illi
 intercludere conetur, hosce hæreticos esse
 necesse est. Quæ hæc tam noua & insolens
 religio? Ex illo tempore fertur Ducem Es-
 pernonium suis se præfecturis abdicasse,
 & Regi in manus tradidisse: ex reliquis
 autem Normaniam Duci Monpensiero
 iamdudum decerni. neque satis scio, an
 illum etiam in hæreseos crimen vocet,
 quod mirum tamen foret & inauditum.

Sed vtrem totam concludam: Ducis Guī-
sij hic animus est, hæc mens, hoc cōsiliū,
in regem euadere, si fieri possit; hac via pro-
cedit, hisce modis contendit, bellum inte-
stinum & Catholicorum contra Euangeli-
cos factum: hisce subsidiis priorum partiū
dominatum sibi arrogauit: apud Catholi-
cos iam vel ipso rege vel alio quocunq; ex
regio sanguine principe gratiā plus valet
& autoritate: de quo tamē ne dolere qui-
dem illi, nedum queri debent. Designatio-
num suarū quæ fiducia sit cernite, ex duo-
bus hisce vnum saltem vt assequatur. Nam
vel rege adhuc superstite partes suas mu-
niet, resq; suas eo loci perducet, vt illo de-
functo, Regis Nauarreni vires atterat, & ab
omni successione excludat: sin min^o, istuc
si fortè efficere nequeat, saltem ad pactum
& conuenta eū vel inuitū pertrahat, vtpote
qui perpetuus Catholicorum parens, pa-
tronus & sospitalis Iupiter futurus sit: idq;
non sine exemplo. Quod si Nauarrenum
semel subiugauerit, totamq; familiam fun-
ditus extirpauerit, tum hæc se mutuo con-
sequūtur, vel ipse regno solus potietur, vel
cum sociis suis viritim partietur, maiore ta-
men & meliore parte sibi metipsi reseruata.
Ad hæc Thiestæas epulas inuitat conui-
uas,

uas, Hispaniæ regem, Pont. Rom. reliquos
Italiæ Dominos, omnes Principes Catho-
licos sibi vicinos, quibus huius regni splen-
dor & maiestas non minùs sit inuidiosa:
Ipsius regis prosperæ res & Nauarreni fœ-
lix spēs non minus formidolosa, quàm u-
triusq; interitus & exitiũ illis forent &
utilia & iucunda. Sed in toto hoc facino-
roso consilio illud præ reliquis mihi infan-
dum videtur, quòd diuturna regis vita illi
mortis instar sit, quam nullo modo ferre
possit. De eo ipse sibi prospiciat diligētius:
ego sic existimo, si vel tātillum moræ Pari-
siis traxisset, iamdudum hoc effectum fuisset.
Quicquid sit, hoc unum credo, nihil aliud
esse, quod hac tempestate vel huic do-
lorem, vel illi formidinē magis adaugeat.
Quod si quis præterita cum præsentibus
conferat, sibi quæ aliquando in memoriam
reuocet, Regem Galliæ huñc eum ipsum
esse, qui annos 17 aut 18 hatus toties trium-
phauit, qui nunquam sine victoria dimicauit,
cuius excelsæ virtutis incredibilis fama
ineunte iam ætate externa sceptrà sibi ac-
quisierit, adeò vt totius orbis bellicosissi-
ma natio illi parere vellet. Hic, inquam, ob-
stupefcatur necesse est, si quando audire con-
tingerit, huius, huius inquam, regis animũ

infirmi-
tatem abiectamque diffidentiam, a-
lieno instinctu, illius pectori alioqui gene-
roso tam altè insidere: hi soli carceres sunt,
hæ cruces, hæc tormenta, quibus Deus im-
mortalis hodierno die Galliæ regnum tam
misèrè exerceat. De quo tamè Principe hoc
verè mihi dicere videor, si illum natura ad
meliora tempora reseruâset, si subditos
tali Principe dignos reperisset, qui illius
potentiam & amarent & iuarent sedulo,
si in adolescentia labores illi in ferro, volu-
ptates in auro non propinâssent, quòd ha-
rum nimium desiderium, illorum fastidiũ
prorsus post se relinqueret: si postea etiam
& animum & regnum tam contrariis stu-
diis non defatigâssent: summæ proculdu-
bio virtutes illi ingeneratæ ad præclarissi-
ma quæq; facinora perficienda eum exci-
tâssent. Verùm Matris in illo euehendo ni-
mius ardor, quò citiùs, quæ de altero filio
sibi in animo destinâssent, ad optatum finẽ
perduceret, illam ætatẽ in graues & serias
molestias coniecit, quæ ad ludum iocumq;
potiùs se demittere debuisset, satietas ho-
noris illum iam cepit, antequam sitiret, &
ambitionis nauseam contraxit, priusquam
verè appetere didicisset: Nec ita multò
post (liceat modò hoc quicquid vitij in illo
notare

notare) defecit paulatim, & à negotio ad otium animique remissionem cepit esse procliuior. Vitrata hæc morum labecula est, quæ non Principum modò, sed priuatorum etiam hominum animos facillè incescit. Quod reliquum est, adepto iam regno. licentiæ & impunitatis plenissimum offendit, quod diuturna bella ciuilia peperant malum, partium etiam & contumaciarum plenissimum facillè animaduertit; omnes regni proceres priuata sua singulos studia habere, quæ sequeretur, quum Principi potiùs & imperio publico coniunctis consiliis inferuire semper bonorum sit habitum. Quin ipse rex istuc vulnus curare qui deberet, suâ patientiâ exulcerat magis: cuius hæc semper virtus fuit, vt si nihil esset, quod votis suis obistere possit; si nihil præposterè aut aduersè accideret; si pacata & tranquilla omnia, nemo inuētus est qui imperiosè magis illo merum illud imperium exercere posset. Quod si vel minima quæq; interuenerit difficultas, malos medicos imitatus lenia remedia quauis noxia adhibere maluit, quàm paulò acerbiora valde tamen salutaria, quem etiam quidam ex præcipuis à consiliis viris ingenio quàm similimo, à cuius consiliorum fonte

totus fluit, & à quo præ reliquis faciliùs regitur, ad istos eum mores erudiuit. Hic ille primus Galliæ rex est, qui cum locorum præfectis suis pacto transegerit, qui eorum discessum precio redemit: de illis tantùm non loquor, quos motus & belli suspicio civilis factionibus adiunxerat, sed de iis etiam, qui à regis partibus semper steterât. Hic primus ille rex est, quem quis intrepidè & confidenter irritauerit. Quod ad me attinet, etsi alij clementiam hanc & misericordiam in rege nominent, idq; huic præsertim summę laudi ducant, quòd nonnullorum iniurias nunquam sibi ad animum reuocauerit, ne eorum quidem, quos sibi obnoxios teneret. Ego istum quidè si modum excedat, incuriam rectiùs dixerim, maiestati regiæ valde nocituram. Quæ si reprehendi forsàn meritò nequeat, quo modo tamen in rege laudari debeat, non satis intelligo. Hoc vnum certè dissimulandum non est, sed præ nobis ferendum, cum primùm calamitosa hæc bellorum incendia resuscitarentur, eam illi à Deo immortalī sanam bonamque mentem immissam fuisse, vt ad regnum reformandum populumq; suum cōsolandum, rectâ & planè regiâ viâ incederet: Et si nihil aliud conscele-

rata

rata coniuratorum factio Galliae afferret mali: hoc unum tamen sat est, quod regis prima illa tam salutaria consilia contaminauerint factiosi illi, quo vno parricidio vel tragicis furiis in æternum dira sua capita deuouerunt. Atq; vt in præsentem rerum statum, quæq; iam animo versat Rex consilia, penitiùs discutiamus: Quid aliud quæso facit, quàm quod iure potest? Eò enim solummodo omnia illius spectant, vt quam à Deo accepit vitam auctoritatemq; tueatur. Sed ad tam probam materiam (vt inquit Comicus) improbissimos adhibet fatuos, artemque sequitur subditis funestam, duram regno, sibimetipsi exitiosam, quod ipsi euentus satis demonstrant. Hic Princeps præpotens, quid Guisus tenter, quid moliat, tam facile videt, vt nemo melius: neque id iniuriâ, cum ipsius illa meta sit, ad quam præcipuè collimet: sed malè sibi consulens ad illi resistendum hætenus nimis lubricam ingressus est viam. Qui tamen (vt ingenuè dicam) aliqua ex parte veniam meretur, cum ne vnum quidem sibi à consiliis habeat, cuius animus vel cupiditate vel timore non præoccupetur, vt in seipso vno sola sua sita sint præsidia. Nec vero citiùs arma Dux Guisus san-

ctissimè (si diis placet) factionis nomine suscepit, factionis nō tam nobilis quàm notæ & iamdudum in Gallia de leuiore nota cognitæ, quin statim regi consecraria quædam & falsissima effata tanquam vera decantarentur, in duas nimirum nec plures Regnum Galliæ diuisum esse partes Hugonotorum & Catholicorum. Istarum autem alterutri nisi ipse præesset, in ista diuisione præteriri eum omnino, & quod in prouerbio est, de duabus sedere sellis videretur. Imbecilliores autem Hugonotorum partes esse: unde Catholicorum amplexari oportere ratio suadet, quo facto omnem illam gratiam & auctoritatem, quam Guisiani conquisierant, in se deriuaret, istuc in eorum perniciem, in suam autem perpetuā cederet salutem: hoc vt efficiat, vehementiores & præter modum adeoq; præter hominis naturam concitationes simulandæ sunt, & in hæreticos immaniter sæuendum: ferro & flammâ adoriundi; omnibus, quicunq; aut fuerunt, aut futuri sunt maleuolentiæ palma præripienda est. Hoc solo modo ad sese pertractis partibus Catholicis, & in suam potestatem redactis, Guisianos, quos & metuit & odit, facile euerteret, & vno quasi ictu eademque opera

Huge-

Hugenotorum eorumque ductorum, quibus haud ita bene cupit, vires comminuet. Hem consultores probos, quibus vestigiis cum ad regni miserrimum interitum tum sui ipsius perniciem spectantibus, etiam in hodiernum usque diem insistit. Deus immortalis illum ad saniolem & meliorem mentem reducat, ut fructum istorum consiliorum planius videat, pro principe & antesignano, quod ille falso sperabat, se seruum plusquam mediastinum & Guisianæ libidinis mancipium factum iam esse, adeo ut quàm primum Guisus aduersus regem tumultuari inceperat, statim hic sibi opinionis errore persuaferat, ad illius potentiam infirmendam Huguenotis oportere scrupulum iniici, atque hinc bella illa diplomata & commissiones, hinc pulchra edicta, hinc strenuæ ille legiones emerferunt: Dura hæc nimis & aspera aduersus eos, qui officiosè eum & colunt & venerantur, qui ne cogitatione quidem vnquam violarunt: mansueta contra & beneuola in eos, qui vel in sinu serpentem agunt. Immo etiam vix illi Panicus aliquis terror à coniuratis incussus est, vix aliquid turbarum datum est, vix aliqua ciuitas obsidione capta est, quin statim Regi Nauarreno aliquid ab il-

lo expectandum sit mali, quin statim eodem pene momento copiæ, legiones contra eum educendæ sint. Principem miserè obcæcatum, qui non intelligat tam consceleratam societatem, quæ illi vitâ hanc, & suauissimam auram inuider, prætextu tantum & fucata specie niri, & si qua in re deesse illi videantur, id leuiculis coniecturis explorare potius vult, quod vi & armis extorquere nō ausit. O execrandos vos impostores, à quibus tam nefaria profluxerunt consilia. Nihil ne vos pudet, perfidi, periuri proditores? Num regis est in regno suo factiones fouere? an non vna pars, sua nempe, satis sit, vt etiâ alias desideret? Non ne magna hæc pars est regem esse? sed dixerit forsan quispiâ, iam diu inualuisse has duas partes, & desperatum iam esse remedium. Hei vos infœlices? quis, nisi vos, hæc primum inuexit, quis produxit, quis adhuc fouet? Bellum ciuile nōne harum partium mater est & procreatrix? illud auferas. hæc continuo euanescent. Quod si Rex spartam, quam nactus est, ornare velit, si potentiam suam agnoscens pro autoritate regia dixerit, *P A C E M V O L O*, in Catilinaria hac fece quis vel Spartacus gladiator tam cōfidens reperietur, qui vel verbulum
contra

contrâ mutire audeat ? sin necessariò bella gerenda sunt : quin contra intestinum hostem gerantur potiùs, & eum victum, prostratum eiectumq; citò videbimus. Rex nihilominus his imbutus præceptis, facîle adducetur, vt credat ad curationem hanc nihil aliud sibi relinqui loci, nisi vt & ipse coniuratorum faciem induat, nisi ipse specie quadam audaciùs multò vel ipsis coniuratis in Euangelicos sæuiat: Catholicos iamdudum cum duce Guisio in idem fœdus coaluisse, dissoluendi vinculi vnicam hanc viam esse, si sese in illius locum sufficiat, & statim Hugonotos suo fulmine feriat. Et auctoritatem & deliberationem videtis, quæ tamen tam altas adhuc radices non egerant, quin metus ea omnia longè superaret, metum dico ex iusta diffidentia ortum in eos, qui illi à latere semper erant, proq; intimis habebat, adeò vt postquam iam cõiuratorum armatam manum vidisset, ne Lutetiæ portæ satis tutæ, quibus fideret, videbantur. Et cùm sola sua præsentia vel centum pedites istorum motuum, quorum fama illius animum perculerat, authores ad inferos facîle deturbare potuisset, ipse totus attonitus & cõsternatus constitit, Matrem continuò ad eos præmit-

tit, exoratum, vt quiescant, Regem habeāt excusatum, si pacis tempore debita cura & officio eos non sit prosequutus, deprecari iam sese hanc culpam vnam, in posterū se illis facturum satis, postulent modò, quicquid velint, se facile assensurum. Denique ante subditorum pedes supplex Rex quasi prostratus iacet, vt auertat à se quantum possit tam turbidos eorum motus. Quin potius contrà factis & exemplis commonefaciendi fuissent, se & voluntatem & potestatem habere, ad effrenem eorum rebellionem perdomādā. Verū ille à bello semper abhorruit, prudenter scilicet prospexit, hoc modo potentiam suam & auctoritatē imminui. Et si hac ex parte coniuratos reformidaret, non est cur Evangelicos oppugnare magnopere expeteret. In quo tamen tandem à Matre victus est, quæ sibi etiam animo nōnulla designarat à Regiis consiliis alienissima. Ad extremum cum duce Guisio summatim transigit: ad Regem Nauarrenum debellandum, violentum non voluntariū assensum præber. Cui tamen haud ita pridem ante vnū mensem per triginta literas propria manu scriptas iudicium suum de coniuratorū consiliis & voluntatibus testatissimum fecit.

Quo

Quo animo sit, quid sentiat rex noster, vel hodierno etiam die videmus: quin ardentissimè semper hoc concupierit, & Regi Nauarreno sat virium & potentiaë esse, ad aduersam partem compescendam, sibiq; addè ad pacem stabiliendam, nemo omniù dubitare poterit: verùm suo mero motu ista proponere nunquam sibi tutum putauit, & si fortè proposuisset, ne à seditioso coniuratorum grege statim opprimeretur, valde extimescebat. Hoc Regi in votis est, viuere, regnare, à suis obseruari tam à Confœderatis quàm Euangelicis. hoc æquum hoc iustū est: & quidni ita fiat, ipse modò id velit: sed facessendū illis perniciosis seditiosorū confectariis est: secus si ipse suam potentia in dubium vocet; si se regem præ se ferre non ausit; mirū hoc aut nouum illi videri non debet, si alij contra illum quid rentent aut machinentur. Deus immortalis hoc illi tandem largiatur, vt qui sit, is esse velit: suæ gentis Princeps & Dominus, id quomodo efficeret, nisi Rex sit. In regē verò nunquam euadet, nisi firmum hoc & ratum intimis medullis inhæreat, publico sui Regni bono, & populi tranquillitate nihil sibi debere esse antiquius.

Ad regem Nauarrenum quod attinet, illius res, fortunę voluntatesq; longè aliter, diuerso seu contrario potius modo sese habent, atq; duæ illæ partes, de quibus hactenus diximus. Nam vt illud concedam de vita, auctoritateq; regia conseruanda, hoc illi cum rege consilium optimè cōuenire: contra quam nihil vnquam vel potuit vel tentare voluit: Tamen in eo discrepantia vel maxima cernitur quòd Rex Nauarrenus Gallicarum Ecclesiarum libertatē spectat, eius vindicandæ causa, Rex suorum arma ciuilia persensit: quia illam is iniuste opprimere voluit. Verū illius tamen à Ducis Guisij & Coniuratorum inceptis & institutis *ἡ διαμάχη* quod dicitur, dissident. Primum quòd hic, cui ambitionis furor ad regnum Galliæ eādē spem, quam illi natura subministrarat, nisi per intestina dissidia, legum euerfionem totiusque regni & imperij mutationē, hæc sua instituta promouere nō potuit. Nam si nullum mouisset lapidem, si intacta omnia & integra reliquisset, ne tantillum iuris prætexere potuit, nec appellari quidem vnquā debuit. Ille contrā omnem suam spem & expectationē in pacis beneficio, in ordinis & modi constantia collocauit, nihil nouum, nihil

hil insolens cōcupiscit, nisi vt leges in suo robore ac firmamento maneant, nihil ille petit, quod iura non iubent. Quod si aliam forsan semitam indagare vellet, armisq; & ambitiosa occupatione regnum affectaret, facile proculdubio competitorum inueniret, qui tantò plus illi potentia & reliquis ambitiosorum adiumentis, quantò ille huic iure & legitima successione præponderaret. Interim præter hæreditariū regni ius, quod quàm proximè illum attingit vniuersæ etiam totius orbis Christiani Ecclesiæ illius humeris tanquam Atlante cœlum, niti videntur. earum spes & fortunæ quasi in hoc vno sitæ sunt. ita huius aduersus casus, illarum occasus, huius auctoritas, illarum unica libertas fore videtur. Illud illud est, q, inimicorum adauger potētiā, illud est, quod omnes vniuersæ Europę Pontificios cōmuni quodam vinculo contra eum cōglutināuit. Et sane in hunc, veluti in alium alterum animum & cogitationes sæpius conuertens, videor mihi videre Deum immortalem p hos duos Principes nostrum hoc Galliæ regnum afflicturum, quanuis in vno ad seruandum quàm in altero ad perdendum & animi & corporis plus sit neruorum; verum in altero mul-

tò plura sunt subsidia, cùm quia maiore numero astipulatorum partes illius sustentantur, tum quia regia potentia illi nonnihil subseruit: quod magis me mouet, vt ad horum duorum mutuam inter se collationem paulisper deflectat oratio nostra. Et quidem hæc talia sunt, vt inter Plutarchi vitas meritò referri debeant. Ego quantum possum, enitar sedulò, vt in iudiciariam hanc arenam sine omni affectu descendam, quamuis & Religionis ergò, & mearum partium, & infinitas ob causas vni multò magis, quàm alteri fauere debeam: tamen nescio an amor hic meus in tam ardua controuersia me libero iudicio priuare possit. mihi autem sic videtur. Et si dux Guisus valde magnus quidem vir sit, Nauarrenum tamen multas præclaras virtutes in se habere, quibus illum alterum longè superet. De consiliis eorū nihil loquor, ne in dubium quidem illa reuocanda duxi: neque à Duce Guisio designata iam iudicare potius velim, quàm penitus condemnare: nam & ego natione Gallus sum: De illis solū loquor illorum veris virtutibus, siue earum simulachris, quas illis proprias Deus ingenerauit: alteri vt hisce tantis dignum se præstet; alteri vt contra eas ipse

ipse depugner. De Rege Nauarrenno hoc affirmo, in omni vita, etiam ab ineunte ætate, contra ipsam necessitatem dimicasse, eâ omnia sua negotia plenissimè redoleuisse, nihil vnquam sine summis perfecisse difficultatibus. Illi contrà omnia ad voluntatem affluebant, & primis quibusque inceptis optata occasio semper affulsit. Illi opera potius quàm opus, forma quàm materia, voluntas quàm facultas semper defuit. Nihil erat quod huic prodesse, nihil quod illi obesse poterat. Quum ergo hi duo summi viri hodie equali potentia tam variis modis se mutua comparatione attingant, prima hæc coitio sic definiatur, huic plus scientiæ, plus vsus & exercitationis, animi & fortitudinis plus inesse debere. Illum verò ambitione & fiducia præcellere, quæ duo ex prospera & florenti fortuna nimiaq; potentia nata sunt, vt propterea maiora illum aggredi, tentare etiam difficiliora necesse sit. Hic minore cum ostentatione & leuitate, minore etiam cum sonitu orbem illum rerum suarum versare solet: Ille alter minore cum experientia, certitudine & soliditate omnia persequitur. Ista me adducunt vt credam, hunc in secundis rebus multò me-

lius sibi temperare quàm illum alterũ aduersam fortunã ex quo animo sufferre posse, si quando in eam inciderit. Nihil hic de superioribus bellis loquor, in quibus tamen Dux Guisus omnia ad libidinem fluentia habebat: Hic contrà durissimam & extremam quamq; fortunam expertus erat: De istis potius recentioris memorię rebus gestis dicendum censẽo: de quibus hoc assero: Si ingentibus illum ausis veluti alium Theseum aut Herculem aliquando cognorim, totũ biennium octo exercitibus Gallicis defatigatum, iis etiam nouo & recenti milite mutuoq; subsidio subinde refectis, suis vexillis & ordinibus optime dispositis, Ducibus & Imperatoribus totius Galliæ exercitatisimis, inter quos Ducẽ Mænum huius fratrem numeradum censẽo: In ipso autem præliorum exitu non solum nihil damni accepisse, sed octo bene munitas & commodas ciuitates obsidione vicisse; post acerrimas pugnas victoriã reportasse: idq; sua propria virtute, non alienis adiutum præsidis hæc omnia præstitisse, quæ regem Nauarrenum aliquãdo fecisse ipse vidi: Tum demum aptam hanc fore comparationem putabo, antea nequam. Verũ dixerit fortassis quispiam,
Ducem

Ducem Guisium multò plura aggressum
esse facinora longeq; maiora: omnem re-
gis Nauarreni fortitudinem & virtutem
eò spectare tantum, vt huic obsistat: Id infi-
cias non eo. At verò illi secundo flumine
omniumq; auspiciis id facere, quidni fa-
cile esset? Huic refragante Nepruno & ad-
uersis ventis idem efficere, difficillimum:
Quò maior labor sit, eò ampliorem merce-
dem gloriam comitari necesse est. In eorū
ingeniis multò adhuc plura cum similia;
rū dissimilia existunt. Sed in neutro hu-
mile, abiectum, effeminatū reperitur quic-
quam: In vtroque ardens animus est, id res
eorum postulant: Vtérq; mitis, comis, fa-
miliaris. Vtrique corpus ad labores & mo-
lestias tolerandas optimè conuenit. In a-
nimis tamen nonnihil discriminis depre-
henditur: quorū alter heroica inprimis
integritate est, magnificus, apertus, libe-
rior paulò, nonnunquam commotior: sed
itā tamen, vt in ipsa acie medioq; discrimi-
ne, & præsenti animo, & prudenti iudiciò
omnia administret: tam attentus ad rem,
quæ in manibus est, tamq; promptè, dum
ardet, ferrum tundit, vt eò minus vel præ-
terita respiciat vel prospiciat consequentia:
nunquā sibi in animo iniuri patietur con-

filia è longinquo diducta, sola spe contentus in ea acquiescit. Alter ingenio vago & vario, totus corruptus, occultus, taciturnus, vafer, præter modum tolerans, cuiusque rei simulator & dissimulator, nihil nisi longè ex vltimis cogitationum oris accersitum meditatus: nam suas sibi ipse fingat oportet fiducias, tam lóginquè prospiciēs: nihil tentans, quod certò perficere sibi non promiserit. Illud autem difficile dictum est, quomodo in extremū adductus discrimen, ex eis angustiis tam promptè se experire possit, quas antea tam sèpè non sit expertus. Verùm quoquo te vertas, magni sine dubio vtrique viri, vel potius omnium, quos vnquā Gallia tulerit, longè maximus: qui præclarissima quæq; edidissent facinora, si præpotēs aliquis Rex virtutes eorum exerere voluisset, & si fatalis hæc nostra ætas id permisisset. Sed vt vnde defleximus, ad institutum reuertamur. De rege Nauarreno hoc antè à me dictum est: In regni visceribus nihilis turbulenti consilij, nihil designati, vel habet, vel habere debet, suâ fiducia satis se sustentat, & aliàs etiam nimis est impeditus, quo minùs inimicorum suorum nefarios conatus interrumpere possit. Illius arma hoc tantum spectant,
hoc

hoc solum volunt, imperij pacem & tranquillitatem; non illam, quâ Ecclesiæ Gallicanæ exteræque etiam pristinâ suâ religionis & conscientiæ libertate priuentur: huic tam iniquæ & iniustæ paci nunquam assentietur. Non est cur iam de prærogatiuæ suæ iure dimicet, nondum tempus est: res ipsa cum per se satis manifesta sit, quorsum disceptando dubiam fecerit? multò minùs frustrâ nitendo sese afflictare; dum Guisianis & Lotharingis malum & perniciem machinetur. Illis ne malè vult quidem, nisi quatenus illi reipublicæ malè cupiant: cuius commodis si modò inferuirent, eos aptos & idoneos satis agnosceret, sed tamen vt priuatos: Tum eorum conditio, ordo, locus, huius valde dispar: quippè qui regio nòmine sit insignitus. Hoc vnum augustum & venerandum regis nomen, omnem & ipsorum, quos longè infrà positos videt, & conatum eorum cogitationem sibi ex animo expectorat. Quid ille petat, quid mente agitet, quid consilij capter, videtis, id si modò aliquid sit, in sua ipsius iusta defensione totum id situm est, immò id eiusmodi est, vt inimicos suos vel inuitos cogat ad Galliæ pacem, Regi authoritatem,

sibi suisq; pristinam libertatem restituendam : Hoc semel perfectum quum fuerit, quin postea locupletent se Guisiani quantum velint, p eum licet, & ad summa quæq; contendant, modò sine horum trium supra memoratorum damno & detrimento fiat, sua nihil interesse existimat. Ipsa progressio vitæq; cursus, rerum etiam consiliorumq; ratio quàm sequitur, vix satis in se habent firmitatis, utpote quæ ab aduersariorum actionibus & institutis totæ pendeant. In pace viuere sinent, hic libenter quiescet : ad arma deuenient, hic confestim accurret : deponent arma, idem & hic fecerit. Vnde fit, ut, si reliquæ partes Gallia & seditiones ortæ componantur, Rex hoc cognitum satis & perspectum habeat, se sine difficultate, quò velit, huc posse pertrahere : Nam qui ratione & necessitate tantum prouocatur, hic etiam nullo negotio reuocari mutata velificatione poterit. Atque hæc hætenus de tribus illis ductoribus qui in triplici ista Gallicana diuisione primas tenent. Nunc qui illi sint, qui obliquas partes tenent, & quasi secundarias, ad quem scopum colliment, quaque spe feriendi propositam metam ducantur, videamus. Ex istis Regina Mater Regis
primas

primas tenet, quæ dignitatis suæ tuendæ causa à Filij partibus stare præ se fert: quod & semper antea fecit, quum adhuc plures præter regem filios superstites haberet: Sed tamen quum nihil sit, quod filio magis inuideat mater, quàm merum imperium, hoc est, quod illam valde male habeat. Quamdiu pacatam Galliam haberemus, tantisper domi sedenti huic ad lanam & telam sat otij fuit; nihil illi à filio publicæ curæ est demandatum, nulla negotiorum administratio commissæ est. Ad hanc iacturam refarciendam, vel arte sibi corrigendi iam tali erant, vel cum iis saltem paciscendum, qui talos iacerent: omnis alioquin labor irritus & inanis foret. Illud enim ingenium illius à rebus exiguis paruiq; momenti semper abhorruit, & statum regni pacatum nullomodo ferre potuit. De hac regia fœmina, cuius propago præcipuas Europæ partes Imperio suo subiectas tenuit, & adhuc etiam tenet, idem planè, quod de Agrippina, dici poterit: *Virilibus curis muliebria vitia exuisse*: modò hoc ipsum in fœmina vitium dicendum non sit. Hæc ita semper in Galliis assuevit, alios aliis inuicem opponere, vt litependente ipsa interim dominari possit. Sum-

mos cum summis, cum principibus principes, proprios liberos cum reliquis liberis commisit: Minimè enim hoc eam latebat, ita Gallicanas res comparatas esse, ut nisi noua & extraordinaria viâ rem aggredderetur, nullo in loco apud nos scœmina haberetur. Carolo piæ memoriæ regnante hæc huius Henrici quasi curatrix fuit, cuius potentiam quàm potuit maximè amplificauit, eum ob causam, ut ipsa iam Carolo metui esse posset. Id Carolus tandem sed tardè nimis planè perspexit. Hoc iam rege principatum adepto, in quo mater filium, quū in Polonia rex esset, immortalī sibi obstrinxit beneficio, non ignara quin nisi prudenter hoc malū anteuertisset, tantos in Galliis ciuiles motus futuros, ut reuersuro regi nullus ad regnum pateret reditus. Hoc inquā regnū adepto, matris auctoritas totos tres aut quatuor annos illibata permansit, tantisper dū adolescentior rex tam infirmæ ætatis illecebris, & noui regni deliciis totus detineretur. Postquam verò imperantis vocem, quā affirmatiuam dicunt, nactus esset, solusque iam regnare vellet, illa iam necessitate coacta ad iuniorē filium, piæ memoriæ, principem Alençonium extemplò cōfugit, qui ad aliquod tempus

tempus quasi, humeris suis eam sustinuit, reddiditq; vsurariã. Alenconio mortuo, alia postea conquisiuit remedia: Nam vt vt fit, illa duo præcipua sibi proposuit obseruanda: vnum est, eum quicumq; ad regnum euectus sit, sibi in præfando antea obnoxiũ reddere, vt eò facilius eum iam inauguratũ regẽ retineat. Alterum est, tam mirificè iunioris augere potentiã, vt ipse imperij dominus, ad huius subsidiariam operam petendam impellatur, ad alterius libidinẽ refrenandam. Ita horum duorum inuicem inter se commissorum potentia æquabiliter temperata sic vsa est, vt ipsa interim in medio tanquam honoraria arbitra relicta sola regnaret. Quod consilium priuatim si respicias, non tam ingenij artisq; plenum, quàm frequẽtis seditionis & discordiæ refertissimũ reperietur. Quod si post defunctũ Alenconium illa regem Nauarrenũ suæ disciplinæ aptum alumnũ inuenisset, sub illius etiam clypeo latitans, ex insidiis semper depugnasset: Sed cum religio multaquẽ alia impedirent, continuò & oculum & animum ad Lotharingorum familiam cõuertit. Hi nepotes ex filia sunt, cui etiã non nihil profuit inueteratũ odiũ, quo ab ineũte ætate in regẽ Nauarrenũ exarsit.

Hæ capitales inimicitiae cum metum etiã illi incuterent, statim hoc sibi in animo certissimè proposuerat, Regis Nauarreni iustae petitioni quibuscunq; possit modis illudere: Neque tamen hoc vnquam poterit efficere, nisi vnà etiam antiquas regni Galliarum leges, & consuetudines, susq; deq; subuerterit. Huic inueterato odio accedit etiam, vt antea dixi, amor ille, quo Ducis Lotharingi filios prosequitur, nepotes ex filia, ad quos naturali quodam amoris fertur instinctu: Quorum nomine nusquam cessat hoc probri loco ipsi Regi obiicere, multò potius illũ debere nepotibus suis, sororis filiis, quàm aliis ex sua familia nimis tamen alienis hanc hereditatem designare. Alienum autem Nauarrenum regem nominabat. Hispani etiam regis filiae, huic ex filia neptes sunt: Cui etiam hæc sponte sua sine omni molestia in hac hæreditate partem assignabit, rebus præsertim sic stantibus, & imperio filij perturbato: eoq; libentiùs, vt ille ad hanc confugiat operamq; efflagitet: Atque hoc quidem pacto bellè reginæ matri cum duce Guisio conuenit, ad vexanda & perturbanda omnia, ad confusione fenestram aperiendam, denique ad omnem ansam mutan-

mutandi ordinis & consuetudinis in successione regni Galliarum præbendam. At verò illud concupiscere, vt Guisij potentia in eum modum crescat, vt regem ipsum de solio derubare valeat, ipse postea regnum occupare, neq; probabile hoc quidē est, neq; arbitror, eam hoc vnquam desiderasse. Sub hisce Reginæ matris partibus cōplecti mihi posse videor, Margrauium Pontium illius nepotem, Ducis Lotharingici filium: cui ne minima quidem spes in ista successione affulserit, nisi quam illi auia sua suppeditarit. Alter ab hisce est Rex Hispaniæ, qui in istorū motuum initio, quum animaduerneret, inter Reginam Angliæ & Regem Galliæ firmissimum fœdus renouari, etiam tum ex Belgio delegatos Parisiis agere, Regi summam suarum Prouinciarū potestatem offerre, nihil sibi prius putauit aut antiquius, quàm tria, vel quatuor centena millia coronatorum in famelicas conuictorum manus immittere, hac gratia, vt aliquas in Galliis turbas darent: sibi persuadens hoc vno modo regem interpellari posse, quò minus Belgicis rebus animum adiceret. Hic metus omnium maximus illius animo altiùs infederat: neq; id iniuriâ, quum vel certo certius sit, solum regem

Galliæ(modò omnia domi pacata habeat) illas Hispano prouincias è manibus posse extorquere. Hæc sunt, quæ illius animum miserè pungunt, vnaq; & Ducis Guisij consilia nō nihil præcipitant. Hisce adde, quòd in extremo etiam hodie metu versatur, ne rex Nauarræ, quem natura illi hostem constituit, ad regnum Galliæ aliquando deueniat. Huic regnum Hispanus iniuste detinet, cui si vngues iam præscis tandem forsitan renascantur, dubitandum non est, quin ius suum repetat, periculum etiam est, ne hoc vno cōtentus futurus non sit. Hoc probè videt, se iam sene, liberis adhuc quasi imuberibus, regno suo distracto nec satis stabilito, vel minima quæq; posse post mortē suā, perturbationem inducere: Quantò magis Nauarræ Regem, si in Galliarum Regem aliquando euadat. Neq; verò hoc illi præter spem est, ira se in Lotharingicum fœdus insinuare, illis facultatēs & subsidia ad motus concitandos subministrare, Galliarum regem interturbare, pessundare Nauarrenum: Vt scilicet, postquam regnum hoc diuulsum prædæ & rapinæ vndiquaq; exponetur, ipse pro nimia sua, qua præ reliquis valebit, potentiā, præstātissimā illius partem maximeq; optimam rapiendi rabie expleat

expleat suam. Quis illi iam de nostris rebus animus, quæ consilia sint, videmus. At verò, ut eò usq; prouehatur amentia, ut is, qui infinitis aliis sumptibus defatigatus est, suum etiam ærarium exhaurire velit ad ducem Guisii Regem creandum, ne verisimile hoc quidem est. Ille, inquam, qui, si modò regni facies & prærogatiue iura immutanda essent, eo animo semper fuit, ut filiabus suis regiis neptib⁹, & priores & potiores partes iure optimo deferri debeant. Quod autem de rege Hispano iam dictum est, idem Duci Sabaudia accommodari poterit, qui potentia multò min⁹ valet, nullaq; nisi quæ à socero accipiat, habet subsidia. Atque ita se habent illi omnes, quicunque aut subleuare, aut subuertere Gallias exoptant. Hi illi vel salutares vel mortiferi humores sunt, qui venas nostras & artus depopulantur, venti & prosperi & aduersi, quibus assidue exagitamur. Atque ab istorum dissentientibus affectibus pro personarum qualitate variè discrepantibus seu potius contrariis, tota pender nostra siue salus siue exitium. Heu præpotens imperium, Europæ splendor, quem mille ducentorum annorum series & decursus spacium longè lateq; propa-

gavit, & vicini hostes noua semper gloria amplificârunt! Post tot tantasq; victorias necessarium penè hoc fuit, vt tibi metipsi violentas manus afferres, vt tuo ipsius pondere & magnitudine laborans nutares, siquidem per orbem terrarû nullum alium externû victorê ipsa fata tibi destinâssent.

Sed vt ab istis paulûm dessectam, quæ lachrymas mihi citiùs quàm verba eliciant: Quoniam ita se res habet, vt omnis nostra contentio relligionis prætextu obducta, ad mutationem, id est, vt ego interpretor, ad ruinam & interitum regni nostri solum spectare videatur, nisi Deus hoc omen auertat: cumq; hoc commune malum per vniuersam iam Europam grassetur: diuertam aliquantulum de via, aliquid saltem de totius Christiani orbis statu & conditione attexendi causâ, quatenus has duas summas attingunt partes: Quarum vna Pontifici Romano subiecta est, altera ab eadem paulò disunctior. Quæ quidem Theologorum more disquirere nolo. Hoc vnum scio Deum immortalem vt aurum igne, ita vario afflictionum genere populum suum explorare, siquidem hoc præcipuum sit, vt tum eos in officio suo contineat, tum vt nos in primis nostræ fragilitatis commonefa-

nefactos ad sacrosanctam illam salutis ancoram confugientes manu ducat: id quod facile obliuiscimur, quotiescunq; ex rebus secundis tumida ceruice inflati insolescimus. Neq; illud me fugit, vnigenitum Dei filium disertissimis hæc verbis pronunciasse: *Regnum meum non est hinc*. Ex quibus facile apparet, ex hac terrestri vita nõ esse petendam salutem nostram: Quin etiamsi calamitate aliqua sese affligi nonnunquam quis persenserit, non propterea continuo aut animum despõdere, aut in bona causa malè cedere oportet, quasi Deus immortalis sempiterno odio auersari, & de vnũuersa terra nos penitus exterminare decreuisset. Econtrà videre est, Turcas aliasq; gentes incultas & barbaras, quarum mêtes ne minima verè religionis imbuerit opinio, tum miseros illos Pontificiæ superstitionis erroribus occæcatos, in omni vita facile id assequi, quod cõcupiuerunt, dum in reges triumphant, dum terræ ipsoꝝ aurifodinas habeant, quarum vis nunquam aut deficit aut marcescit: dum bella sine repulsa gerunt: tam fœlici fidere nati videntur, vt ministros inueniant quorum mercenaria opera principes in mediis custodiis perfidè trucidantur. Deniq; eis religio non est,

Deum importunè laceſſere, vt ad optatos exitus libidinum ſuarum prouehantur : cùm tamen ex altera parte, contrarium illis, qui verè Deum colunt & veneràtur, impositum ſit, humeris ſuis crucem geſtare : ſi modò Redemptoris noſtri Chriſti veſtigiis inſiſtere velimus, per anguſtam portam ingrediundum eſt. Ad illius exemplar tota hæc vita noſtra doloribus, cruciatibus & anguſtiis tranſigenda eſt. Hæce nòrmas & notas ſequuti, quæ iis ſolis, qui veram & reformatam profitètur religionem, accommodandæ ſunt, quidni concludamus eos ſolos, in quos Deus animaduertat, legitimos & genuinos illius filios eſſe : Quos monendo corrigere tantùm vult, non condemnando perdere : corpore caſtigare, nò capite plectere : quos vt filios ſuos minus morigeros, non vt ſeruos furaces aut fugitiuos accipere ſolet. Et quamuis hac tempeſtate toti⁹ orbis Chriſtiani reges & principes potentiffimi còmunè quoddam fœdus & ſocietatem contra omnes Dei & electos & dilectos conſtârunt, iureiurando etiam ſolenni inuicem ſeſe obſtrinxerunt : Tamen & hoc nihil eſt : Nam quem quæſo ex ſuis Deus vnquã perire ſinit ? Quos verè habet, etſi in mediis aquis nò nunquam ad
mentum

mentum vsq; immergantur, submergi tamē nunquam patietur, quin iam iam perituros extenso brachio eruens profundo de gurgite liberabit. Nec verò promissi sui dati veritas certissima, de qua dubitare nefas est, huius rei solū fidem facit, verum etiam ex rerum serie, quæ à iactis mundi fundamentis in ecclesia vsuenerunt, manifestè id potero demonstrare. Sed quod antea dixi in Theologorum limites irruere mei iam non est instituti. Satis mihi sit, si ostendero, nō solū nos in prōptu habere Dei potētiam sacram illam ancoram supra omnem naturam positam, ad quam adhærescamus: Clypeum plusquā septemplex, ad quem omnis mundani impetus acies hebescit, telaq; retusa reuerberatur: verū & in hoc mūdo vitaq; humana à Deo multò pluraq; maioraq;, quàm aduersarij nostri accepimus adiumenta: Adeò vt si iniurias perferimus, si affligimur, hæc nostra sola culpa est, qui illis subsidiis, quæ à Deo accepimus, nobismetipsis succurrere nesciam⁹.

Vniuersus iste Christiani orbis complexus, q Papali dominationi paret, vnanimi cōsensu suffragatus est ad Euāgelicos radicū extirpādos. Sed qui quælo aut quales tandē perditissimi isti cōiurati sunt? De vi-

ribus eorum videamus, num tantæ sint, vt eas merito metuere debeamus. Coniurati sunt Papa, Cæsar, Hispaniæ Rex: Tum Principes quidam Italiæ: In Galliis Dux Guisus & reliqui eiusdem familiæ, qui regem & regnum ad suum nutum & arbitriũ constructum tenent: In Heluetiis nonnulli confœderati Cantones: In Germania aliqui Principes. Hic omnes recensui, vt audiuitis, & qua maximè potui specie gloriosâ: Pontifices scilicet, Imperatores, Reges, & multos Principes. Fama est istos Orbis terculamenta in vnum coaluisse, hoc solo inito consilio, vt eos, qui vbique terrarum puriorem religionem profitetur, funditus eradicet. Quàm vellem hoc ita esse? Quantò difficilior victoria, tantò maior gloria. Verùm ista si penitiùs introspeciamus, prima facie videbimus in hac tanta multitudine singulos penè separatim sibi aliquid habere designati, cuius curam & rationem habeant: Ideò autem generali huic consilio se coniugârunt, vt commune illud vniuersorum fœdus, tantò firmitus & stabilitus permaneat. Sed quæ tandem consilia ista sint, diligentius singula dispiciamus.

Illud de Pontifice Romano patet: Lutherum, Zuinglium, Caluinum bina illum
triente

triente Apostolicæ hæreditatis multasse:
de reliquo etiam litem dubiam esse, & ar-
duam quæstionem, ne vilem redigatur ad
allem: de eo valde laborat: ardentè illud
expetit, amissa recuperare, modò id fieri
possit, & de eorum præstanda euiçtione si-
bi satis cauere, quæ iam possidet. Regnum
Angliæ vniuersum pinguißimum bolum
sibi è plenis faucibus iam pridem ereptum
videt: In quo si nouos iam furculos Catho-
licæ religionis Rex Hispaniæ inserere pos-
sit, valde foret istuc in rem aucupis. Gal-
lias nunquam sibi subiectas habuit, Galli-
canis ecclesiis singularibus priuilegiis in-
dultum est: sed neq; hoc tanti ille facit. Il-
lud illud est q̃ eum maximè anxium solli-
citurumq; tenet, quòd Nauarrenus Galliarum
Rex aliquândo futurus est. Id metuit, ne for-
tè Alpes transeat, Fatalis Romæ Borbonio-
rum Prosapia, quam & nuperrimè irritarunt
Romani Põtifces de regno Nauarræ, quod
contra ius fasq; Regi Castiliæ adiudicârunt.
Tum verendum est, ne hic Rex tam potens
maximam religionis reformationē intro-
ducat, quòd sine Papalis authoritatis dimi-
nutione fieri nequit: Et quidni hic tam fa-
cile id efficiat, quam olim Philippus cogno-
mento Pulcher, ceteriq; complures Gallias

rum reges, Pótificiæ ambitionis infensissimi hostes, q̄ idem præstiterūt? In hoc igitur iam agitur illius salus, vt huic Principi sp̄ omnem præscindat: In eo aut̄ pro virili sua parte operam strenuā navat; intonat, fulgurat & fulminat, proscribit, hereticū denūciat, perduellem, regni Galliæ incapacem: quasi ipsum solum penes hoc esset pro libidine & conferre, & auferre imperia. Atq; vt huic leuiculę suæ Bullulę aliquod robur & firmamentū addat, q̄ sua hercle vi ad Rupelenses aggeres perfringēdos & perrumpēdos parū valeret, si nihil aliud accedat adiūmēti: Hinc orbē Christianū totum & armat & animat, neq; cessat, vsq; dū ad Cardinālē Borboniū deueniat, cui etiam gladiū benedictū dono mittit: Ex eadem scil. officina, qua ille Diui Pauli, & hic ensis planissime prodiit. Tum magnā vim pecuniarū Guisianis pollicetur: polliceri eū dico, quia prestare nō solet: Pluris videlicet Pontificatus ipsi cōstat, q̄ vt tam citò ex ære alieno emerget, nisi forsan Sylla aliq; sit illi ab inferis excitādus. Id facit ne fortè à Romāo, vt ita dicā, stylo siue veteri siue nouo, vel tantillū discedat. Deniq; quod illi soli datum est, in crucis bacillo q̄ mirāda edit prodigia. Sanctissimi quæso patris præstigias videte & com-

commētum probum: qui terras & inferos
rædis ardentibus contra hæreticos instiga-
re vult, quorum in numero Reginā Angliæ
& Nauarræ regem vtrumq; sibi hostem ca-
pitalem complectitur. Hisce duos cōmuni
illo fœdere, generali quasi quodā & natio-
nali consilio perdere nō dubitat. Nec verò
minùs & forsā magis etiam, de superiore
& inferiore Germania habet, quod cōque-
ratur, idem quod de Galliis & Anglia iam
antea fecit. Illud ergo est, quod sibi pollice-
tur: Postquā Rex Hispaniæ & Guisiani eos
castigauerint, i. Galliam & Angliam occu-
pārint, Hæreticos, i. legitimos Principes ac
dominos profligārint; postq̃ totum Belgiū
subiugārint: tum nullo negotio suis vnā cū
Cæsareis coniunctis copiis, vel p̃ amicitia,
vel p̃ vim Germaniæ Principes Proestātes
impellēt, vt vel inviti cervices suas pristino
illius potestatis iugo subiiciant. Hisce feli-
citer transactis, verisimile quidem non est,
Heluetios velle præfractē nimis tantis co-
piis sese opponere, præsertim cum Cantones
iam pridē distracti sint, qui omnes iun-
ctis viribus Duci Sabaudix ad Geneuam
recuperandam facile poterunt opitulari:
Ad illam, inquam, urbem recuperandam &
solo adæquandam, ex quo vno capite &

& fonte omnes p̄ vniuersum orbem Christianum hereticos arcessi & deriuari vulgo dici solet. Hi illi cancelli sunt, quib. & huius cupiditates, & sanctæ scilicet illius factionis cōsilia, & voluntates sunt circumscriptę. Hæc ego hisce oculis vidi meis, per ipsum Pontificem Sixtum perscripta in literis quibusdam, ex Italia in Hispaniā missis, & initio istorum in Galliis nouissimorum motuum interceptis. Atq; hoc modo ex parte quidē videmus prætextus & cōsilia Pōtificia odio & inuidia fundata; odio, inquam, quo vel hæreticos vniuersè quidem omnes, vel separatim & præ reliquis præcipuos regem Nauarrenum & Angliæ reginam prosequitur. A quibus illi iam dudum nonnihil datum est mali, & restat adhuc forsan aliquid amplius.

Regi Hispaniæ tres fines, se priuatim respicientes, propositi sunt, qui eum ad generale hoc fœdus expetendum perpulerunt. Primus hic est, vt ad fœlicem exitum perducat bella illa cōtra Belgicas prouincias suscepta, ab hæreticis, vt ille vocat, possessas, contraq; reginam Anglię, quam eidem etiā ascribit numero. Secundus hæreditarium illud est, quo flagrat, desiderium, Gallias cæteris suis regalibus feudis adiiciendi: id

quod

quod multò iam faciliùs se effecturum putat, propter ius illud, quo gaudet coniugis suæ nomine hæredis Galliæ, ob filias suas ab eadem susceptas: neq; enim legi Salicæ, cuius conseruatio nostris Regibus honori semper fuit, sese vllò modo teneri putat. Vltimus ille est regis Nauarreni interit⁹, quē velis remisq; quod dicitur, contendit, vt à Gallico scepro longissimè amoueatur: cum quamplurima sint, quæ eum in timorem tam potentis aduersarij præcipitent: quem vnum, Deum immortalem ad ipsius & posteritatis eius ruinam & exitium reseruasse credo. Ex horum tam cōmoda & vtili consiliorum ratione, summa cum sollicitudine generale illud fœdus conflatum est, cuius beneficio & armorum prætextum contra Angliam suscipiendorum corroborat, & inimicitiarum aduersus Regem Nauarrenum: Tum etiam ansam præbet, aliquid per se sua propria industria contra regnum Galliæ moliendi, dum Ducis Guisij, confederati sui, rebus succurrere studet: Quo cum sine hoc integumento nulla commoda intercederet consiliorum communicatio. Huius vnus auspiciis sperat, se regem Nauarrenum in Galliis perditurum, & sibi etiam de portubus Picardiæ & Normandiæ

optimè prospecturum: quod in maximum malum Angliæ & Belgio cederet: minimè dubitans, quin Rege Galliæ semel mortuo, & legitimo successore è possessione eiecto, regno iam prædè exposito, faciliè tum quidem in hac lucta Lotharingos supplantabit, quibus tum multò sit futurus potentior. Atq; isto modo ad sua priuata commoda prætextū hūc vniuersalis fœderis illum conuertere quis non videt? Quasi non alio consilio, quàm in suam & familiæ suæ utilitatem, hæc omnia gesta essent.

Cæsaris verò quæ alia voluntas esse potest, nisi vt omnes, quicunq; sint per orbem terrarū Principes Evangelici funditus eradiciantur? Qua gratia? vt videlicet vniuersa coniuratorū multitudo vno impetu irruentes, huius vicinos Principes Protestantes exossent probè. Sed cum tanta hæc negotia & tempus & spatiū desiderent, atq; interea loci vix hoc illi consultum foret, aliquid creare impedimenti, ne forsan Principes hos potētissimos exuscitet, vel ipso Cæsare longè fortiores, idèò hisce negotiis sese immiscere non vult, quod & reliqui etiam Principes Germaniæ itidem faciunt.

Satis iam de Ducis Guisij cōsiliis dictum est, quæ eò solummodò spectant, vt ipse solus

Ius Galliarum regnū occupet, si modō id fieri possit: sin min⁹, saltē vt potiores partes possideat: Quia in eiusmodi votis, sociū libenter nō admittimus: Aut quis in hisce occupationibus se negotiorū gestorem esse patietur?

Hæc obiter significare volui eō solummodō spectantia, vt intelligatis, ducē Guisū ad subsidia Hispanica suis Gallicis negotiis comparanda, ad incepta sua quauis ratione promouenda, vt mutuā & subsidariam præstet operā ad Belgicas prouincias repetendas, vt Reginam Anglię, cui pestem & perniciem exoptat, tanquā soli sui aduersarij defensori, afflictā & prostratā aliquando videat, hæc ob causas vtilia valde & salutaria cum Hispano captare consilia: At verō vt illi integram regni possessionē cōcedat, ipse Vasallus illi fidelitatem præstet, ipse si solus occupare valeat, illi⁹ gratia vt de meliore parte discedat, hoc illi, vti ego arbitror, nunquam persuaseris: Interim tamen quamdiu speciosos istos pretextus, quibus mirū fucum facit, nobis obtrudit, qui nulla alia re quā religionē niti videntur, hunc vnum pro Herculeā planē sacrosancti fœderis colūna agnoscere oportet.

Italiae verō domini de sua ipsorum con-

seruatione deliberant, nihil aliud est, quod agant: vndiquaq; conclusi, ex vna parte Papam, ex altera Venetos, ex tertia regem Hispaniæ respiciunt, quorû territoria etiã tam angusta sunt, vt de aliis rebus q̃ de suis finibus tutandis cogitare ocium non sit. Atq; hæc vna ratio fuit, quæ eos ad hoc cõmune fœdus ineundû pellexerit, neq; tamen tanto Catholicæ religionis ardore flagrant, vt non multò magis Hispanicæ potentiae accessiõnem, quàm suæ religionis diminutionem reformident. Hoc eos, qui istorum prouincias inuiserint, latere non potest.

Dux Sabaudiaë, ex iis qui in vniuersalem hanc coierint societate, alter existit. Viuente adhuc socero, hic iisdem cum illo communibus vtetur consiliis: illo mortuo, alij fortassis nonnulli reperientur, qui nõ tam firmis compagibus in hoc fœdere conglutinentur, vt idem omnino & velint & nolint. Id à me postea copiosius dicetur.

Tum verò Lotharingiaë dux, quo tẽpore quisq; præteritorum laborum fructum peter, sumptusq; factos æquali lucro compensari postulabit, Lotharingica conclusio cum Guisianis præmissis vix cohererebit.

Helueticos autem Cantones in istuc fœdus coaluisse non arbitror: cum propter eorum

eorum cum rege nostro publicam, tum ob domesticā inter se fœderis cōiunctionem. Affirmare tamen nequeo, quin stipendiis solutis, nō vniuersali huic fœderi, sed ducis Guisij particulari factioni copias suas subministrārint. Hactenus tamē non nisi grauātē ad id pertrahi potuerunt.

Atque hactenus singulorum istius fœderis sociorum cōsilia delineare volui, id nimirum vt probem, quod antē dictum à me est, singulos istorum singula sua & priuata designata habere à ceteris valde dissidētia.

Tandem vt intelligatur, quod si illi Pythiam ad sua oracula, nos ipsum Apollinē adhibeamus, id est, multò certiore iudicio & saniore consilio res nostras administrare poterimus. Atque vt perpetuo quasi filo omnia pertexamus, nunc sequitur, vt quæ eorum subsidia, quæ præsidia, inuestigemus. De quibus hoc confidenter dico, vt si ad hæc nostra, quæ nobis semper ad manū sunt, conferantur, tam multa in illis desiderabuntur, vt nobis turpe hoc nimis foret, aliquam repulsam reportare.

Ab infirmioribus eorum ordiar, quo in numero ipsum Cæsarem & Principes Catholicos esse reor; Quorum vires etsi sine dubio magnæ sint, tamen vicinos habent

tantæ potētiae (vt cuius patet) quales sunt Rex Daniæ, Electores, Palatinus, Saxo, & Brandeburgicus, Landgravius Hefsiæ, & complures alij summi Principes & Domini, vt hi semel si sese moueant, illi alteri ne speciem quidem aliquid aggrediundi præ se ferre audeant.

Iamdudum de Helueticis Cantonibus diximus; quantæ eorum vires sint, & quomodo vniuersali huic fœderi vsui esse possint.

Quod ad Italiæ principes attinet, ex reliquis omnibus hic vnus, quò ad nos propius accedit, eò nobis magis metuendus est. Sed primum quicquid potest, id domi solum potest: Vltra territorij sui terminos & limites, potestas eius latius non diffunditur. Tum à certis indiciis, non ab incertis euentibus totus pender: Socerum habet satis senem: à cuius morte lucro inhiat, neque dubito, quin oculos suos potius in Mediolanensem & Neapolitanam ditionem defixius coniecerit, si successio regni Hispaniæ in partitionem inciderit: cuius multa manifesta apparent indicia, quum ipsæ filia regis Hispaniæ appetentissimæ honoris sint, & iam pridem à patre ad publica negotia administranda informatæ iā quasi in pa-

in paternorū regnorum possessione constitutæ egrè admodum pecuniaria tantum dote se viris nubere patientur & tam immensas possessiones iuniori fratri, impuberi, valetudinario, & vt fama est, valde etiam heberi relinquere. Adeò vt (nisi ego fallar) hic Dux sat habiturus sit, quod agat, si de nulla alia re, quàm de Citramontanis suis negotiis deliberet, quum & ipse montibus quasi totus concludatur. Ex altera parte, Ultramontanam dico, quodocunque hoc experiri animo libitum est suo, tam incommoda hæc loca deprehēdet, utpote quæ ex vna parte Germanis, ex altera Heluetiis, tertia Gallis, vndiquaque autem Alpibus quasi finibus suis circumscribantur; vt copię illæ in sua ditione conscriptæ, quæ alioquin nisi exiguæ admodum in illum alterum locum, vbi aliquid pensi præstandum esset, sine summo & damno & periculo deduci non possunt. Quod ad neruos illos belli, pecunias spectat, istarum domi suæ ad lautè & splendè viuendum sat habet, ad exercitum alendum non item.

Reliqui verò Italiæ principes, quales sunt Duces Ferrariæ, Mantuæ, Florentiæ, & Urbini, qui reliquorum dominorū præ-

cipui ac primarij sunt, ad maiorem solummodò cumulum efficiendum adiunguntur, vt quis ita dicere possit: *Ecce numerosam gentem*: alia quæ causa sit, nullam reperio. Si in Italia hac tempestate, inter duos summos principes, (quales aliquando Carolus Hispaniæ & Franciscus Galliæ prædicantur fuisse) bella gererentur, isti sine dubio, in quasq; partes pedibus irent, maximo illis forent adiumento. Si ingens aliqua contra Turcas classis paranda esset, singuli istorum vnâ aut alterâ fortassis quinquere mem expediret, nihil amplius: At verò ad magnû aliquod & periculosum bellum, veluti contra Gallos, Anglos, Germanos, Flandros, vt aliquid firmamenti aut roboris afferrent, fieri non potest. Tum verò, quod antea memini me notasse, nunquam tam sanctè in hoc fœdus iurârunt, quin multò grauius de amplificanda Hispania, quàm de labefactandâ Româ semper sibi metuant.

Dux Parmensis, etiam si hoc solum in illo respiciamus, meritò tamen hoc nomine in illo numero censi debet. At verò quæ ratione regis Hispani copiis in Belgio præficitur, valde magnus profectò Imperator habendus: Et sine dubio ingentem gloriâ
autho-

authoritatemq; adeptus est, siue exercitus rationem habeas, cui imperat, siue gentis ubi bella gerit. Cui etiam accedit hæreditaria dignitas & existimatio, memoria videlicet imperij materni, huic filij sui quàm simillimi: Sed quemadmodum Dux Sabaudia, ita & hic vix satis sibi sapere videtur, si sua priuata sibi non habeat designata: & nisi certâ potiùs spe nitatur, quàm incertâ pendeat: Mea hæc sententia est, hanc solam ob causam & non aliam, animo constanti & infracto tam graues & diuturnos labores in Belgio exantlauit. Sed aliquid adhuc magis vrget. Quamdiu videlicet in bello gerendo personâ Præfecti regis Hispani sustinet, plurimum damni & calamitatis importare poterit. Quod si aliam sibi ad principatum præmuniat viam, & dominatum ipse affectet, & in manibus quod iam habet, retinere studeat, dum beneuolentia & mäsuetudine hominum animos detinet, nullum dehinc periculum est, quin ex sancto illo fœdere quamprimum sese eximat.

Dux verò Lotharingæ magnus ille quidem dominus est, sed Princeps imbecillus: Cui ademptâ illâ, quâ pender spe, de filij sui in regnò Galliæ iure hereditario, quæ

sola causa eū huic fœderi inseruit, ad quietem & ocium continuò animum adiiciet, neclitigando somnum abrumper. Est ille quidem apprimè prudens, nec motus nostros ab illo profluxisse suspicari possum. Nunc tamen in communi hac causa contra nos suscepta, quin suam etiā strenuè nauet operam, dubitari non potest. In quo tamen incommodo, hoc vnum percommodè nobis accidit, quod illius studio retardata, vel comminuta potius Ducis Guisij cognati potentia, id quod necessariò filij causa faciendum sibi duxit, multò plus nobis hoc pacto apportat boni, quàm alioquin posset, si id non faceret, mali. Verùm regni causa illum in hoc cursu remorari videtur, atq; id tandem, postquam sibi cum regina matre regis sua focru collatis consiliis optimè conuenerit, pro filio proprio potius quàm alieno regnū prēstabit. Hoc aut tanquā honorariū teneo axioma: Ducem Guisium in harū deliberationū Oceanū tam altè iā prouectū esse, vt ad extremū necessariò eum vel regē vel remigē fieri oporteat: nihil. n. est tertiū. Huius rei testes citentur, Marius, Cinna, Pompeius, Lepidus, Antonius: Qui postquā semel tyrannidē affectassent, id solū restabat: *Aut Cæsar aut nihil.* Sed

Sed quod ad Guisum, de illius subsidiiis antea dixi, valde magna ea quidem in Galliis esse, propterea quòd Catholicæ partes magnæ sint, apud quas gratiâ & auctoritate plurimū valet. Tum verò, q̄ certū hoc & ratum sit, regē ipsum quocunq; furoris aut amentię Guisus proruperit, æquo animo omnia laturū, hoc firmissimū sibi putat, pugnaculum. De isto verò non est cur dubitē, quin vt priuata sibi sua de regno nostro designauit, ita si domi in arcubis suis ex India ducati, reliquis responderent, iam pridem munimēta nostra expugnāssent, & pōst aliis etiā mala multa intulisset. Verū ad extremā inopiā redactus & ære alieno obrutus est: hominis gloriæ cupidi nouisq; rebus studentis manifestum indicium. Hisce accedit, quòd multos suis inceptis reluctantes habet, nō inimicos solū, vt regem Nauarrenū, & ex regio sanguine Principes: verū amicos etiam & cōfœderatos vt Hispaniæ, Lotharingiæ, Sabaudie hæredes, tum domesticos etiam eiusdem familiæ, qui æquali cum ipso ad regni successio nem iure nituntur: cum quibus etiam, si quidem eorum opera necessariò vtendum sit, ad prædę partitionē vel inuit^o cogetur, si quid fortē sibi depredari cōtigerit. Negotium mihi crede suspicionū plenissimum,

adeò vt tota huius vnus focij potentia, nihil aliud quàm gentis nostræ dissipati-
nem & diuulsionem portendere videatur:
hunc scilicet propterea præfidiis destitui
non oportet. Nam contrà Germanos aut
Anglos arma gerere difficillimè adducun-
tur, imò nec tutum putant: Antequam
verò harum rerum Gallicanarum exitus a-
liquis futurus sit, vt illud alterum aggre-
diantur, nunquam persuaseris. Longum
profectò opus valdeque suspensum: In
quo obiter illud quidem notare volui,
gentis nostræ proprium quasi vitium: I-
ta nimirum à natura nos comparatos es-
se, vt sub rege stabilito iam & confirmato
facile nos ad dissidia & factiones, ad bella
intestina, tumultus & perturbationes concitemur. Quod si interregnum esset, si ius
regni còtrouersum foret, nullo modo tan-
quam Medæ nepotes, propria membra i-
ta discerpi & diuelli pateremur. Nec verò
si princeps aliquis ad occupandum regnū
minus aptum se persenserit, saltem distra-
here se facile posse nihilominus speret: Id
vix cuiquam concederetur, nisi potenti a-
licui vicino Principi, sicuti Hispano regi,
qui partim vi, partim vicinitate suæ regio-
nis extremam aliquam oram vel occupa-
tione,

tionem, vel usurpationem possessionem sibi rereretur: Quanquam & hoc difficilius reperietur. Denique duo potissimum argumenta inuenio, ex quibus appareat, minimè tam magnam aut ingentem, quam præ se fert, reuera existere istius potètiæ. Vnum illud est, quod in primo huius factionis imperu & summo quasi æstu, quum huius vnus nutu & verbo omnem Galliam commoueri debere non credere nefas esset, tum vel mille equitibus vel pluribus quàm quatuor millibus peditum nunquam stipatum conspeximus; Quæ omnes copiae, postquàm & suas & quas ex Hispania accepisset pecunias in isto milite colligendo profusè dilapidasset vniuersas, vnus menses spatio sunt dissipatae: Ex duobus illis hoc alterum erit, quod quum ad prælium diuentum esset, parua admodum cohors Germanorum militum conflata, & quater mille & quingentis equitibus & tribus aut quatuor millibus peditum, adiunctis aliquot Heluëtiis, inuito Guisio per mediam ipsius præfecturam vi viam factam, in ipsum usque Galliae medietatem pertransiit. In transitu autem Guisianas copias quotiescunq; occurreretur, sepius & fudit & refudit. Quamuis Guisius omnes suos amicos, socios, commilitones ad suas suppetias iam

conuocâſſet: quamuis ſuis hiſce, maximâ etiam partem Regiarum legionum coniunctam haberet. Quâquam vix anno iam elapſo magnificè gloriari auſus eſſet, Germanorum omnes facilè vſq; ad Rheni ſui ripas ſe proſtigaturum. Id autè, vt faceret, plurimū honoris ſui interreſſe. De quo tñ hoc verè affirmare poſſum, ſi ad ipſam ſummitatem tam pernicioſam herbam excreſcere patiamur, ni Deus immortalis illius petulantiam freno coerceat, hūc vnum in omnium longè & periculoſiſſimum & inſeſtiſſimum iis omnibus, qui puriorè proſitentur religionem, hoſtem euadere neceſſe eſt.

Reſtant iam duæ partes reliquis tetiores: Papa ſcilicet & Hiſpaniæ rex: Ille vt reliquis omnibus clamoſus magis, magisq; odioſè obſtrepens eſt: Ita etiam & minùs potens. Cui illud vſitatum eſt: *Acutum reddere qui ferrum valet expers ipſe ſecandi*. Et vt verum fateamur, pro core hic tantū eſt, qui cultros exacuat. Pontifices Romani eadē horâ penè, qua in pontificatum ſurrogantur, de electione ſua nihil intelligunt, antea maximam vitæ ſuæ partem in inſimo Cardinalium Italicorum cenſu conſtituti conſumpſerunt (nam potentiores inuidiâ & ſu-

& suspitione repelluntur) qui durâte Cardinalatu suo, nihil altius sapuerunt, quàm ut annuum aliquod stipendium aut beneficium ecclesiasticum curatu & non curatū, harpagando clanculum sibi corraderent. Romę iam hisce seculis Metelli aut Camilli, Bruti aut Pompeij non sunt Pontifices. In quo malè admodum cum Italia agitur. Quod reliquum est, nemo inuenitur, cui non carè constet Pontificatus: tam frugales autem sunt patresfamilias, ut cum moriuntur, minimum quàm possint successoribus relinquunt: adeò ut nouo Pontifici, tres aut quatuor primi anni satis non sint, ad æs alienum dissoluendum, quod Papali illa ex empto & vendito pactione contraxerunt. Alij interim duriter viuunt: Illud verò inauditum penè, si ultra octo annos vitam propagârint: Quin. si aliquando (quod absit) secus euenerit: statim illud vulgo vsurpatur: *Exiit sermo inter fratres, quod discipulus iste non moritur.* Nam & valde veruli sunt, quum primùm eliguntur, ita ut ob breue suum imperium nisi in tumultu plurimum nocere non possint: Quum igitur Guisus istiusmodi propugnatores nactus sit, quid nos extimescamus, non video, nisi fortè plumbeas quasdam bullulas

quæ nisi metuenti, nemini nocent.

In regis Hispaniæ auro, quàm in Pontificis plûbo multò plus periculi ineſt. Hunc ego perſpicio omnium longè potentiffimum & primum quaſi motorem qui reliquos omnes Planetas tanquam excentrico & concentrico motu agitare ſoleat. Verùm & hic etiam ſuas habet incommoditates, cui & manus ſuas ligari ſæpiùs, & maxima nonnunquam de ſpe decidere videmus. De eo igitur, quia illius fama per vniuerſam Europam eſt peruagata, eò paulò mihi fuſiùs dicendum eſt.

Hic Princeps Carolum quintũ patrem habuit, illum Orbis terrarum facem : qui cælum & terram miſcuit, qui quàm magnus ipſe vir fuit, tam magnas etiam turbas dedit. Qui in alienâ & delegatâ operâ, quàm ſuæ ipſius perſonæ indiſtriâ, ſemper felicior exiit. Qui omnes ſui temporis & ſeculi Prîncipes viciffitudine quadâ & amicos & inimicos habuit: Summus tamen Princeps, Imperator vigilans, ſi quis aliis vnquam, in omni militari labore gnauus, & in reliquâ vita comis & humanus: Dignus ille quidem Cæſaris nomine & imperio dignus. Hic eius filius ab incubulis à patre in arduis negotiis ita educatus

catus & edoctus est, vt in rebus gerēdis ille peritior, hic multò tamen illo s̄abitur sit fortunatior. Verùm & illud in primis huic filio per commodè cecidit, quod cū sua hæc tempora ad optima quæque incitauerint, neminem tamen inuenit qui sese illi hostem constituere voluerit. Patris ætate vixerunt Magnus Franciscus Galliarū rex, Magnus ille Angliæ Henricus octauus: in oriente Solimannus, in Germana Principes, qui satis multis illum implicarunt negotiis, ita vt, quoquo se verteret, vlcus tangeret. Præterea incidit in vicinas & circūiacentes gentes non minùs potentes, nec aptas minùs ad illum bello prouocandum, quàm ad vim à seipsis propulsandam. Hæc sunt, quæ patris à filio discrepantē conditionē apertè demōstrant. Contrà verò Philippus hodie Hispaniæ rex tam prosperā semper hætenus fortunā est vsus, vt nihil aduersi eam vnquā contaminauerit. Sed & hoc illis potius principibus, quibuscum viuit, quàm illi ipsi, tribui debet. *Gallia.* Gallia hac sua ætate scēminā gubernatricē, reges pupillos habuit: Tum bellis ciuilibus ira vexata, vt domi q̄ ageret, plus satis haberet. Angliam etiam scēmina administrat, q̄ sui *Anglia.* sexus instinctu ducta, satis sibi esse putat, si

*Germania.**Turcia.*

subditos in officio quietè & tranquillè retinere queat, sibi ab exterorum proditoriis & perfidis consiliis potiùs cauere, quàm aliquid in alios machinari studet. Germania per Principes regitur pacis amantes. Ad orientem Selimus imperat, magnus ille & bibax & helluo, cui nihil nisi potare iucundum. Et postea illi successurus Amurathes filius semifatuus, qui turri suâ tanquam caueâ inclusus, nunquam vel pedem è limine efferre audet. Ut minimè hæc quidem vel virtuti eius tribuenda sint vel secundæ nimium fortunæ, sed potiùs qui ad infortunium eum adigeret, nemo inuentus est. Ita quasi sine aduersario strenuus videtur. Neq; verò in hac râtâ, ut alij volunt, fortunâ tam memorabilia effecit. De Portugallia & India triûphus facilis multò magis quàm felix fuit. Tum occupatis illis Insulis q̃ vulgò Terciere vocantur, & Gallis etiâ deuictis, tam mirû hoc aut magnû videri nõ debet, si quis cogitârit, iustas & cõpletas suas legiones Hispanos eduxisse cõtra turmâ aliquâ tumultuariâ in Galliis & feruorû manû sine delectu collectâ. Quod ad prælia illa ad Grauelin & S. Quintin cõmissa: hæ tantû ex victoriis paternis reliquæ erât: Hæ illæ legiones fuerât, q̃ ab in-

eunte

eunte ætate eadem cum Carolo iam sene
 fortuna usæ esset, ut parū hic de suo sibi vē-
 dicare possit, neq; verò ipse tū ibi præsens
 intererāt. In Italia nil aut mouit aut promo-
 uit quidē: In Burgūdia & regno Neapolita-
 no & Sicilia nihil: Cōtra verò in Africa Go-
 lettā perdidit, vnica patris sui spolia, & to-
 tum iam quicquid in illis locis habuit, reli-
 quū. In Flandria nihil adeo magnū hactenā
 effecit, quin adhuc multo maiora facienda
 restent. In causa est, q̄ ibi eos inuenit, q̄ illi
 facile frigidā suffundāt. Antea nō repugnā-
 tes, facile fuit vincere. Nunc Nunc tādē,
 postquā dignos sua virtute hostes irritaue-
 rit, quid in Anglia cum tanto illo appa-
 ratu bellico sit factururus videbimus. Nunc tādē
 illam tam gloriosam suam fortunā o-
 stentandi occasio datur. Interim tñ, in quo
 præsentī statu sit iam, videamus. Primum
 ad ætatem quod attinet, vetus, vietus, ve-
 ternosus est, corpore languido, decrepito,
 penitus confecto: Duas tantum filias ha-
 bet, & vnum puerulum. Illæ magnificæ,
 procaces, gloriosæ, ut nihil suprā: Altera
 duci Sabaudia nupta: altera in sinu pater-
 no enutrita, in negotiis regni instituta:
 Hæc clauam imperij tenens, omnia pro li-
 bidine sola administrat. Filiolus adhuc

*Vidimus eris
 pit in ner-
 um.*

puerulus, iudicio vix sano, ætate infirmâ,
q̃ antea diximus. Fontes ipsos seditionū
videre. Nam in Hispania femine succedūt.
Tum verò illius regnū valde distractū est.
Belgiū, quod tanquā pinguiorē bolum præ
reliquis auidius deglutire solebat, de eo iā
os illi probè oblitū videmus. Illas prouin-
cias, quæ illi prorsus præcisæ sunt, & cum
Regina Angliæ in vnum regnū coaluerunt
nulla deinceps recuperādi spes est reliqua.
Quas verò Parmēsis Princeps suo imperio
subiectas tenet, vix tutò sibi polliceri pote-
rit, eas ex fide bona post mortē ad liberos
suos deuolutum iri. Alterum ecce Principē
magnificū & magnanimū, imperatorē pe-
ritum, quem & sui amore, & alieni honore
prosequuntur: qui & iustum & moderatū
in subditos, maternis iam antea bene & li-
benter gubernaculis condocēfactos, exer-
cet imperiū: Qui iam dudū & potentiæ &
authoritatis sat est adeptus ad fundū hunc
dotalem retinendum, idq; in Portugalliæ
compensationem, quē rex Hispaniæ illius
iudicio illi iniuste ademit: Qui deniq; quic-
quid fiat, iniquissimè feret, tantorum suo-
rum laborum fructus, à scemella aut pue-
rulo percipi debere. Mediolanensis ducatus
Sabaudia vicinus est. Ille etiam ius si-
bi con-

bi coniugis suæ nomine prætexet, & stipulationem propter nuptias vrgebit sedulo. Neapolitanum regnum & vrbes Italicæ, Mediolanensis Ducis & partes & fortunam sequentur. Portugalliis ne adhuc quidem satis fidere potest: Lusitani Hispanicum iugum ferre nequeunt, tantò semper omnibus magis inuisum quò vicinum magis. Id aliàs etiam inter homines plerunq; videmus vsuuenire. Ex India verò omnes tam Lusitani, quàm Hispani, huius imperij nerui atq; artus in illius partes penitus ibunt, qui Hispaniam aut Lusitaniam occupabit. Hæc cum ita sint, consultius fecerit Hispanus, si deinceps de suis rebus & posterorū, quorum à morte sua regna mirificè distractum iri facile videt, potiùs quàm de vicinis suis infestandis sollicitus erit. Opulentum eum fateor. Sed sumptum eum facere oportet, qui quærit lucrum: qui infinitas profunderè pecunias necesse habeat: quū nulla regio, nulla prouincia illius ditioni subdita sit, in qua amplissimis stipendiis innumeros milites alere non cogatur. Què vel ad extremam iam inopiam redigi ex eo liquidò liquet, quòd Flandricæ suæ copiæ nonnunquam integrum annum aut octodecim menses totos sine soluto stipendio

queribundæ maneanť. Neq; verò vt hoc largiamur, tam pecuniis abũdar, quàm milite destituitur. Nam nisi ex Germania, Hispania, Italia, Burgundia, aliorũ, vnde colligat, nusquam reperit. In quo quàm parum valeat, videte. Nam quod ad Germanos, nos modò inter nos vnanimis & còcordes simus, vel vnum milite còscribere, vel saltè eò loci, quò illi velint, traducere, penes nos erit prohibere. Itali verò aut Hispani non sunt ij, quorum ingens multitudo colligi aut numerosus exercitus conscribi possit: neq; populosæ hæ gentes sunt, quò omnes nòrunt: Pro transitu vel cum Gallia, vel Belgio, vel Germania illis futura res est; loca hæc omnia nobis vicina sunt: Tum aut per mare, aut per terræ loca ardua, aspera, decliua traducere oportet, vt si bene nosmet nouerimus nos, dimidiarum exercitum antea amittant, quàm illis vsui esse poterit. Hispanis vel per mare vel per montes Pyrenæos transeundum necessariò est: Italis per Alpes aut Germaniam: loca hæc omnia (modò id nos velimus) illis vndiquaq; præclusa. Quod reliquum est: Rege Hispano in propriis suis finibus si se contineat, nihil miserius aut abiecius, nihil oppugnari facilius cogitari potest. Et certo
certius

certius hoc est, per Portugalliam eum facil-
limè debellari, & perdi posse, si quilibet,
Domino Antonio rege iam fugato, acriter
& animosè eum aggredi voluisset.

Breuitè hîc hostium nostrorum summâ
potentiam descriptam videris: quam mea
sententia, si diligentius perpendamus, mi-
nimè quidem tam magna apparet, quam
homines opinantur. Rerum exitus & varia
exempla id probant. Etenim triginta iam
anni elapsi sunt, ex quo Belgio recuperan-
do totus incubuit, in quem vnum locû etiâ
vniuersam suam penè contulerit potentiâ,
neq; adhuc tamen quid tam egregiè præsti-
terit, quicquam apparet. Et quanquam hoc
dicere nefas sit, eum satis dignum sese ho-
stem adhuc reperisse, perspicuum tamè est,
nisi defunctus Alenconius malè rem admi-
nistrasset, nisi violenta mors piissimæ me-
moriæ Principis Auraici, nimis infœliciter
interuenisset, Hispanicæ imbecillitatis lo-
cupletissima testis, iam totus quasi despe-
rabundus iaceret, totumq; Belgium, fece-
rit licet quantum quantum potuerit, sine
aliqua spe amisisset.

Atq; hoc modo inimicorum nostrorum
rebus, quo in statu sint, singulis sigillatim
consideratis, Gallicû illud prouerbiû verû

esse, facileprehendemus: *Quicquid splendet, omne id aurum non esse.* Postea vero si quis ea aspiciat coniunctim etiam vniuersa, id nimirum magno adiumento esse poterit, ad idem mecum ferendum iudicium. Nam & locis & regionibus mirum in modum dissitos animaduertet: Quorum maior pars & potentior in Hispania Italiaque consistit, quadringentis milliaribus per terram inuicem disiunctis: Altera in Galliis, verum illa tam exigua tamque exilis, ut nisi Hispanorum & Italorum facultates hisce adiungantur subsidiariae, illae alterae citò & nullo cum negotio opprimuntur. Tum verò deprehendet, singulos eorum qui huic generali foederi socij asciti sunt, ne minimam quidem partem votorum suorum ad commune foedus afferre, reliquam ad priuata sua consilia omnino referre: Maximam autem eorum omnium partem, ad eandem quasi metam collimare animaduertet: Regem videlicet Hispaniae, Lotharingum, Sabaudum, Guisium, Duces in vno Galliarum regno competitores esse: In quo quidem negotio fieri non potest, quin variae inter hos intercedant inuidiosae suspiciones eademque quae primum eos coniunxit, tandem etiam & dissiugat ratio. Perspiciet praeterea
in

in multis contrariis planè & dissidentibus inter se pugnare consiliis, qualia Ducis Parmensis, & Sabaudiaë esse iam antea significauimus: Denique facile quis cogitare poterit illi duo posteriores quales sint, qui istius fœderis, quasi sacræ ancoræ sint, à quibus reliqui omnes pendeant, Regem dico Hispaniæ & Pontificem Romanum: Illum planè decrepitum iam videri, & diuturno morbo ita confectum, vt anno hoc proximè superiore, omnibus se publicis negotiis abdicauerit, ita vt innumeri homines eum ob nimiam ætatem sensibus iam penitus orbatum iudicarint. Alter Pontifex Romanus est, in suis iste bonis vfusfructuarius tantum: durante vita ipse potitur: aliis vero alienare nullo modo debet. Neq; verò ætatem si spectemus, diu hic viuere potest: talem autem successorem relinquet, qui de sua familia euehenda magis sollicitus sit, quàm de deprimenda alienâ. Qui noua potius ipse secum inibit consilia, quàm præcessoris vetera vestigia persequetur.

Atq; hic veluti in speculo aduersariorum nostrorum vires & potentiam, non latiore tantum specie adumbrata, sed limatiore forma, id est, propius singula delineata aspicere licet. Nunc si eorum cõmunibus sub-

fidiis nostra item communia opponamus, ut hæc cum illis ex aduerso pugnet, si quasi in vnum conuocemus illa Reginæ Angliæ, Regis Nauarræ, regis Daniæ, Germanorum Principum, Statuum atq; ordinum Belgicorum, Cantonum Helueticorum, quam ingentem hic manum, quâ tam potentiam reperiemus. Si verò contrâ quâ de illis dici potest, nosmetipsi nostris commoditatibus inferuire velimus, ex facili hac & minime impedita nostrorum omnium plus quàm adamantina coniunctione, Galliæ nimirum, Angliæ, superioris & inferioris Germaniæ, Heluetiæ & reliquarum, quæ omnes mira vicinitate tanquam Homerica aurea illa Io uis catena inter se inuicè cohærent: Nonne prius nos eorum omnes conatus facile infringere poterimus, quàm illi aliquid contra nos tentare valeant? Nos inquam quos Dei religio tantò firmioribus nexibus & compagibus coniugauit, quâto nostra hæc quàm illorum multò purior, sincerior & solidior existit: Nos quod nihil aliud molimur, quàm ut nosmetipsos defendamus & iura nostra tutemur: hoc nos coniungit: Nos qui nihil priuati habemus designati, quod maleuolentiam inter nos aut inuidiam gignere queat, cuius cōtrario impetu diuelli
aut

aut distrahi debeamus. Quis tam hebes est, ut de istis dubitet? Sed & rationes attexam. Tres anni iam sunt ex quo Rex Hispaniæ omnia Italiæ nemora securi percussa vastârit ad triremes suas solummodò ædificandas, omnes Africæ Moros, vilissima mancipia precio sibi coemerit, quos ad remos ablegaret: Totam Indiam usq; deq; funditus subuerterit aurifossarum multitudine, quo Viperinus hic partus terræ suæ parentis aurea viscera exenteraret, quasi iam ad nauseam usq; auro se satiare veller. Tres anni sunt ex quo nihil aliud quàm ancōrę, funes, rudentes, vela omni iam populo in ore fuit, quum ipsi Oceano interminatus sit, nisi classem suam sospitē reduceret: Quū noster hic Aeolus vētos cogeret, ne vel minimam auram sibi nisi secundā afflaret. At quorsum hæc tandem? Ad vnam (si diis placeat) ingentem Hispanicā Armadam, ut vocant apparandam, id est, bellicā classem nimis superbā, cui⁹ sola vmbra nō reliquarū nauīū malos tātū, sed turriū templorumq; Anglicanorum pyramides omnes & summitates incredibili terrore obstupefaceret. Totum trienniū sexagenarius hic, vnā hāc Armadam parturiuit. Id q, & aliās accidere sæpe videmus, ut maxima quęq; opera nec

facilè nec vno impetu prorumpant, aut foras sese proiciant vniuersa: Sic & iste longo iam tempore & multo cum dolore quasi prægñans decubuit: Et tamè nescio quomodo semper ferè minora quisque parit, quàm parturit. At verò tandem aliquàdo, si diis placet, Elephātis hic partus in Biscaia excluditur, in Conquetto ablaetatur, ad extremum non longe à Calero Angliam ex aduerso oculis designans, satis sibi fortis & maiusculus videbitur, qui ibi in Capistri ordinem, hem, equestrem volui dicere, cooptetur, qui ibi vel aureo garterio, vel ferreis compedibus meritissimè donetur. Hoccine parum argumenti est, in vno loco, in Anglia sola sat virium nos in promptu habere, ad huius omnium nostrorum hostium potētissimi conatus refellendos? Tres anni sunt, ex quo illi insulæ minitatus est, quam tamen adhuc ne perterrefacere quidem potuit: Hui quando tandem illud adueniet tēpus in quo nocere queat? Tantundem temporis est, postquam Dux Guisus Regis & regni bonis lepidè illudens, Hispaniæ pecuniis subleuatus, copiis ducis Parmensis omniumq; Catholicorū Principum subsidii sustentatus, contra regem Nauarrenum arma gesserit: Interea
loci

loci in hūc finem collecta militum manus est: octo exercitus terrestres, vnus, nonus videlicet, naualis fuit. Ex his (Deo immortalī soli sit omnis honor & gloria) octo re infecta domum inanes reuertuntur. Nona vno prælio deuicta & deiecta est vniuersa. Et tamen quis tam proiectæ audaciæ saluo pudore hoc asseuerare audeat, pauperculū hunc Principem interim vel vno teruncio, aut vnico saltem milite à quoquam subleuari, immò verò pecuniis & subsidiis, quæ ab amicis subministrata sunt, vel interceptis, vel saltē ipsi in manus nunquam traditis, nonne adhuc vel solē meridiano clarius apparet, istorum hominum virtutē in pompa potius quàm in pugna esse sitam? Viginti anni continui sunt, quibus rex Hispaniæ Belgas oppugnauit cum omnibus suis copiis, partim ex Hispania, partim ex Italia collectis, quibus adiūxit etiam quascunq; à Germanis accipere potuit: In omni prælio fortunatus, nunquam commissā pugna est, in qua ille non quasi triumpharet. Et tamen quid tandem perfectum est? Hodierno die eo planè in loco res sunt, vti si ipsi Belgæ bonā suā probè nōsse velint, huic profectò, quia tam longè à meta aberrauit, à calce ad carceres redeundū necessa-

riò est: nec id solum, sed in magno etiã discrimine versatur, ne & omnium laborũ & sumptuum, quos ibi impendit, iacturam fecerit. Iam verò cogitem⁹: si Daniæ rex, Germaniæ Principes & Heluetici Cantones, q̃ hætenus hostilem impetum nondum persenserũt, sua subsidia adiunxissent ad regis Hispani ferociã in Flandria & Anglia perdomãdam, ad Guisianorũ etiam in Galliis coercẽdam libidinem, quamdiu putamus hæce eorum contra nos molitiones duraturas, si probabili saltem hominum coniectura niti volumus? Et si multa à me iam dicuntur, tñ multò plura hac in parte à me prætereuntur. Interim, quãuis nos maiores copias, plura etiã adiumẽra habeamus, modò in res nostras penitiũs introspicere velimus, tñ dum illi econtrà multò meliũs sibi noti sint, & vnà etiã nobis longè sunt valentiores: Sit hoc nostræ potius desidiæ, q̃ eorum sollertię, nostri languoris, non eorũ ardoris propriũ: Deus pro sua misericordia nobis hoc largitus est, vt & in pace viuam⁹, & ab eorum tyrannide nos vindicemus, & quod maius est, etiã eorum colla sub iugũ mittamus, si modò id facere nosmet cupiamus. Sed vt totam hãc rem, sicuti primũ inceptã, ita etiam Theologorũ more conclu-

cludam: Ego quidem sic existimo, Deum immortalē pro sua diuina prouidentia hęc omnia gubernare, cui quid magis displicere potest, q̃ ut nos propriis viribus nostram libertatem potiùs, quàm illius summæ misericordię acceptam referamus? Sed nescio quomodo mihi iam videor, quàm antea, cū animo magis soluto, tum ingenio acriore pauloq; vegetiore, qui post totam iam Europā penē decursam, perturbatā & afflictā, idq; diuisionib⁹ ex religione solummodo ortis, nunc tādē ad Gallias reuertar, quas solas hac venenata lue infici putabam. Sed nec Gallia ea sola est, quā Deus afflixit, nec sola ea, cui Deus minitetur, verū & alię regiones eandem contagionem contraxerūt. Ad Gallias igitur iam redeo. Atq; nunc tandē ad extremū, integumētū illud nimis crassum & velū, q̃ regis oculos tam diu pręstrinxerat, eiq; tucū fecerat, eiusq; exēplo reliquis omnib. Gallis, ad extremū, inquā, detractum hoc inuolucrum esse & gaudeo & gratulor. Ante triennium cū in prima herba hęc factio quasi pullularer, nonnulli tū homines tam pręfracto animo & pręfracta fronte reperiebātur, tam tardi tamq; imperiti, ut perduellionē hanc excusare turpe nō ducerēt: quin religionis velo obtegerēt,

formidinem nescio quam simularent, ne aliquid regi tam Catholico forte succederet Hugonotus. Bellus hic prætextus peditioribus vsui fuit, regi ad latus assidentibus, quem tam suis affectibus furiosè deditum, quem vesanæ superstitioni deuorum probè cognorunt, vt hoc vno verbulo illi os occluderent, omnem refellendi ansam præriperent, omni deniq; saniore mente priuarent, quò minùs de hisce rebus, prout decuit, iudicare posset. Nunc verò cedo mihi hominem ex vniuersa Gallia vel vnum siue Iesuitam seu quem alium, cui tam ferreum os, vt audax illud, ne dicā impudens, Ducis Guisij contra regem suum facinus defendere ausit. Quale & cuiusmodi hoc fuerit, eum ipsum appello, qui palam id euulgauit. Quod si quis meam de hisce rebus sententiam, quid futurum sit, requirat, nimium ille, vt ingenuè fatear, mihi pensi imponeret. Quin & antea diximus: Nihil Regi tam periculosum esse, quàm maiestatis suæ diminutionem: Eam autem nulla alia re labefactari magis, quàm si hoc semel innotescat eum sibi ab aliquo subditorum metuere: cuius hæc vna metus species est, in hominum libidinibus conuiuere, vel potius indormiscere, in audaces & facinorosos mini-

minimè animaduerrere velle. Hæc nihilo-
minus quum vulgaria tantum delicta sint
priuatōsq; homines solūmodo respiciant,
tum quidem mansuetudinis & clementiæ
integumento timiditas hæc inuoluitur. At
verò, (ô cœlum, ô terra, ô Maria Neptuni) si
aduersus Principē ipsum capitalia hæc fla-
gitia nefarij machinentur, si religiosam illā
obseruantiam, quæ sacrosanctæ regis per-
sonæ debetur, violent, idque impunè ferāt,
ista qui sustinet, rex esse desinit: Si parrici-
dium hoc tam inexpiable remittat, si rex
alto silentio premat, quid in illud merito
vsurpare liceat. Sceleris finē putas? Gradus
est. Neq; dubitandum est, quin intra vnum
bienniū in tam prodigiosam prorūpet au-
daciam, vt illam alterā ludum iocumq; di-
xeris præ eo huius rabies quod dabit. Reli-
gionē reformatiorē ipse profiteor, diuinæ
hoc gratiæ tribuatur, qui me tāta misericor-
dia dignatus sit: Ego, inquā, q impiè in Deū
ingratus, ob supinā beneficiorū antea acce-
ptorū obliuionē, indignū me reddiderim,
hoc posteriore, cum illis superioribus non
conferendo: Nihilominus si eò res rediret,
vt rex in ea iam opinione esset, regē Nauar-
ræ nosq; reliquos tam grauiter eum lēsisse,
tam abiecta, & horrēda tñ contra & vitam

& regnum suū incep̄tasse, vt salua conscientia ignoscendum hoc nobis non sit. Longè hoc à me absit, vt sub specie huius querelæ illi cōsulere ita debeam, nos ad se traducere, iniurias has obliuisci, ad subsidia & priuata officia adhibere, ad hisce eū exuendū in quas coniurati induerint, angustis. Hoc vnum tamen, neq; vt Gallus natione, neq; Christianus vocatione, sed tantū homo conditione cū sim, ausim cōsulere. qd dixi, cōsulere? immò diuinare potiūs. Quod si ira diuina in illius medullis vel intimis herens ad salutem suam procurandam impellere nequit, vnaq; cum tua regni etiam incolumitatem, ad rectam pacis viam indagandā, ad omnes deniq; imperij sui partes suis solis exceptis radicitus extirpandas: & cū ille solus sceptrum teneat, vt illud in frustra ab aliis comminui indignè ne patiatur, dum singuli sibi frustulatim arripiant. Ipse rex huius totius mali fons & caput quum sit, quidni sibi certò persuadeat, Deum immortalem iustū illum & iudicem & vindicē, illi pro salute q̄ expectat, & exquisita & accumulata immissurū supplicia. Hęc de coniuratis tantū intelligi nolo, de nobismetipsis etiam iam loquor. Id quod aduersarij scelere impulsī, nos necessitate coa-

te coacti facimus. Interim tamen ad regem regniq; conditionem quod attinet, vtrunque hoc æquale est, regnum pari modo diuulsum & discerptum, tam ab vno quàm ab altero est: Subditi æque à nobis atq; ab illis cōiuratis dispersi & disperditi conque-
runtur. Et tamen nisi nosmetipsos nos defendamus, illi oppriment, & si nemo alius, illi tamen soli nos persequetur. Et nisi nosmet regi nos summittere velimus, illi regem sibi subiicient: & haud scio an verè illud affirmare possim: Istuc damni quod regno necessario nos inferimus, nihilò tolerabilius esse quàm quod ij ad ambitionem suam, cupiditatem & libidinem tātum explendam important. At hei miseris ad tantum malum, hoc vnicum restat remedium: *Sola est sanitas velle sanari: vt velit tantum curari, id desideratur.* Sic sine dubio Rex futurus est non tam pacatus quàm præpotens, cui libenter homines obtemperent, quem metuant, quem ament, cuius virtutem admirentur, ipse modò illud velit. Sed quî tandem à Deo precibus hoc impetrari poterit? Vt illi in manus hæc detur potestas in ipsius animo priùs infideat oportet voluntas. Summe Princeps, num tibimetipsi tute non credis? neminem profecto à

consiliis habes, cui tuti⁹ fidas. Quin ego te aliàs hisce auribus audiui, regi Portugallię hoc vitio vertentem, quòd vni praelio suas fortunas committeret. Prudēter nimirum innuebas, Principe suis bonis exuto prorsus & denudato nihil luctuosius, nihil calamitosius cogitari posse. O tēpora! Vbi nūc peregrinātur saniores cogitatīōes tuę? Tu non semel, sed centies teipsum & tua omnia periclitaris: Quis tandem homo fanaticus hoc tibi in animū inurere potuit? cōiuratos istos, quibus mors tua lubido est, quibus diadema tuum vltim⁹ ille finis est, arma sua, q̄ tuū solum iugulum petunt, deposituros, si tu modò mucrones tuos strinxeris, si tu phalanges instruere cōtra Evangelicos velis. Vah callidum cōsiliū! Minimè verò gentium, quin hos finas potiùs si sapias, aliàs ab illis nunq̄ tibi pax est expectāda. Et credo sanè, modò sine periculo vitæ hanc in perpetuū amandare possis, nō deesse ad manū impudētes Pseudolos, qui quotidie tibi hoc in aurem insusurrent. Te Lutetia tua fugatum, repulsum, eiectumq̄; vidit, id q̄ nunquā antea vel ab Anglis, vel Hispanis, vel Germanis, maioribus tuis factum legimus. Quid tu cōtrā per literas patientes populo declaras, nimiā tuam morā
in

in causa esse, cur illi antea hanc noxam tibi non remiserint. Ita scilicet tu atrocissimā iniuriam ad animum reuocas. Tu populo edicis, vt vota faciāt, quò citiùs cum illis in gratiam redeas. Quomodo igitur, in Regē hostili impetu inuadere nihil est periculi? Esto, quoniam ita vis, qui hodie igitur tibi fugam accersit, quin, cras idem mortem tibi conciscat, dubitare non debes. An non hoc, potentissime Princeps, te periclitari est? cū subditis tuis commonstres, nihil faciliùs quàm quiduis in te viramq; tuam machinari? quum vindictæ & supplicij loco vota facis, vt ij citò pacari possint, qui à te meritò suo mactari debeant. Quis tam infelici te opinione fascinare potuit, nisi bellum ciuile, nullum aliud tuo malo remedium inueniri posse. hoc vno modo regnum tuum, authoritatē à subditis vindicandam. Vah præstigias, quæ tandem fallacia est, si hæc non sit mera impostura? Ædificio nihil infestum magis quàm incendiū, corpori quàm continua febris, imperio quàm bellum intestinum. Hisce malis mederi expectis? ignem extinguito, qui ædes vastat, febrim illam continuam expellito, qua regnum tuum contabescit, pacem restituito, quæ incolume conseruet. In hoc

solo regni tui salus consistit & incolumitas: At, inquis, hoc vno verbo audito de pace cum Euangelicis confirmanda, statim in te vniuersa totius orbis Catholicorum armata multitudo irruet, qui te de regno deturbabunt. verum quidem hoc est, si hæc ita dicis, vt ille, qui non ita pridem spectante Duce Guisio, Parisiis aufugerat. Quin illam potius virilem tuam vocem audire cupimus, qua ad Iarnacum & Moncontour triumphabas, qua tu solus & vnus perterrefeceris hostes magis, quàm totus reliquus exercitus; illo te modò loquentē audiamus; videbis quàm omnia statim contremiscant. si pio hoc & religioso ardore ad arma te accinxeris, Angli, Germani, Heluetij equitatu & peditatu frequentissimo tibi in subsidium accurrent. sat tibi copiarum dabunt ad Hispaniam, Italiam, Galliã etiam vnitam debellendam. Primùm status tui incolumitatem in hoc positam ipse cogita, postea facilius id subditis tuis persuaseris, quum tu ipse id credas: & si illi id credant, & tu idem velis, hostium tuorum loco habeantur ij, qui contrà sentiant. Tu verò coniuratos metuis, at cur? vt alij pro te animosi sint, iniquè postulas. vnde nisi à te exempla petant? Largire, largire tandē iustam

iustam & æquâ populo tuo pacem. A tuis Catholicis initium sumas, fac ij bonum æquumque orent, cæteri vt facile in viam reducantur, dubitare non potes. Fungos meros esse oportet, si tibi in tam mala causa velint obsistere. & tales etiam futuri sunt, si æquam fortè pacem respiciant: sed neque facient, neque vnquam adhuc ab iis hoc factitaturus est. Hugonotis Minister, concio concedatur, id sat habent, nihil aliud optant. & tu tamen adhuc meruis. At quem tandem? Deus bone! num Regem Hispaniæ? quin ostendis illi aliquem parentis, aut aui depictam tabulam. ipsæ Castiliæ à fundamentis concussæ totæ tremēt exhorrescenteque, postquam hanc aspexerint. Num Pontif. Romanus? an non hæredes Borboniæ virtutis tibi præstò sunt? vah aniles fabulas. Quis fieri hoc potest, vt tibi qui tam multa videris, tanta ipse feceris, ita multo vsu & experientia valeas, vt tibi (inquam) tam altè hæc sine ratione infideat opinio. Duo hæc certissima effata esse puta: vnum, neminem inimicos tuos firmiorem amicum habere, quàm te. Alterum nisi crassior illa nubecula prope Rupellas, quam illi centies magis quàm te metuât, hoc malū auertisset, Busta illa pa-

triæ suę tibi etiam regi rogum accēdissent.
Hoc tertium adde & crede etiam verum
esse, regni tui & populi tranquillitatem
quandiu velis, etiam ex animo expetas,
nunquam tamen effeceris, quin per te hoc
solum stet, quominus tu inter tuos domi-
neris, quò minus & hos & illos sceptro &
Regiæ tuæ dignitati tam supplices humi-
lesq; reddas, vt ne digitis quidem crepant,
nisi te permittēte. tibi hoc quotidie in au-
rem insusurrant: Catholicorū partes mul-
tò potentiores esse, tibi huic tanquam o-
raculo credendum; te eorum Principem &
ductorem constituere oportet, & Guisio
hæc palma præripienda est. decipere hoc
quidem, non consulere est. An te ab illis ad
suas partes traduci oportet? tu eos adeas?
an illi potius ad te adueniant? tu eos reci-
pias? Regem esse, id solum tuum est: id so-
lum tibi agendum est, reliqua omnia hinc
cedant oportet: Quid hoc monstri est dice-
re? Galliarum regem de duce Guisio an-
xium & sollicitum esse, ne forsan ab eo ma-
iestas illius violetur, authoritas labefacte-
tur. Num te hoc latere potest? hac suspic-
ione ex rege te æqualem, ex æquali infe-
riorem continuò facere? Multi ad regnum
ascensus sunt; descensus nullus. Regem se-
mel

mel descendere præcipitare est. Suadent ut iracundiam contra nos saltem præ te feras, qui cum aliquantulum bellè simulaueris, postea seriò ad rem ipsam redis. Nec verò astutiarum hic finis est: & nisi impetus quidam religionis tuæ quasi turbo te abriperet, tu ipse id facile persentisceres. Hoc tibi certò persuadeas, Ducem istum qui eò iam in regno tuo prouectus est potentiæ & fortio rem & maiorem partem eorum, qui illi adsunt, non vlla alia tenere ratione, nisi quòd contra te ipsum sua omnia tela intenderint. Illos verò qui suas illi locarunt operas, nihil aliud spectare quàm Hugonotorum exitium, cogitas? minimè verò gentium. Nec habet victoria lucrum: si ego me ad illius sectam penitus abiicerem, quod ad me attinet, ut ingenuè fatear, quid sentiam, sola spe illius aliquando regni occupandi, istuc facerem. Nam ut illos rumusculos, popularis auræ ardore religionis Catholicæ tantum collegerit, quod innumeros Hugonotos excarnificando mactârit, hoc forsân ad Parisienses baiulos, qui per plateas vociferando Hugonotos inclamarent, concitandos aliquid ponderis haberet: atqui ut regnum suo loco dimouere valeant, illis multò maiora cogitanda sunt.

Et hæc tamen leuissima cum sint apud te, haud in nulla existimatione sunt, qui aduersus Euangelicos fortis & animosus, contra coniuratos imbellis & meticulosus semper extitisti. Hæc illis contra subsidia existimationem, gratiam, auctoritatem conciliant, te autem expauescentem cum quis videat quidem, quid est cur ille attronitus non consistat? Quæ maior peccandi illecebra quàm impunitatis spes? Naturæ quodam impetu ad libertatem ferimur. Quæ vnquam regia potestas extitit, quæ popularem non fieri non tentauerit? Regibus sua maiestate illæsa quid charius, quid antiquius esse debet? qua tandem amissa, duo solum restant remedia ad eam recuperandam, quæ vtraque eum me tui faciunt: Iniusta vis, & immanis crudelitas. Summe Rex, in quam velis partem mea dicta interpretari, liberum tibi est, neque meum esse duco tuis consiliis modum statuere. Verùm si non minore cum proprii tui boni ardore à te hæc perlecta, quàm à me perscripta fuerint, tanquam æquus æstimator, si quid fortè mihi hîc stomachosius exciderit, præsertim contra te, id iracundiæ & iusto dolori, qui me exstimulant, quum tantam tibi & videam & inui-

inuideam tamque atrocem iniuriam fieri, tribuendum putes. in quo quidem scelere dum conuiues, vide ne hæc filens patientia pro consensu merito habeatur. Ne putes me hîc animi tui magnitudinem in discrimê vocare. vniuersa Europa me tum fingentem refelleret, tu si testimoniis indigeres, nos testes citares locupletissimos quos tam sæpe debellaris: hoc mihi credas velim indignationem illam, qua pene dirumpor, dum tam indigna à pessimis monitoribus sufferes, portentosam eorum audaciam in quouis moliendo, tuâ solummodo tolerantia fretam, hæc vel inuito mihi expressisse, atque bilem, & stylum exacuisse. Illud me non fugit intra domesticos parietes tuos illud omne malum latere, quo hætenus non tam pertractus, quam distractus sis. Quæ verò à te contra teipsum gesta sunt, eo consilio facta fuerunt, vt consulentibus obtemperares. cui dum alij Principes contrariam viam insistere volunt, turpissimè hallucinantur. Ipsum me aliquando interfuisse memini, quû nonnulli illi quidem boni viri tibi isthæc nimis odiosè occinerent omnes vrbes, populos, Prouincias duci Guisio se obstrinxisse, omnia tua illum posside-

re. dictum quidem hoc tibi est, sed ab ipsis dictum, qui ex eadem factione essent, atque ita quidem dictum, ut te quasi prostituendo ad suas partes pellicerent. Ipsa vis & robur totius Guisianæ contra te manus, in tua aula alacres volitant, in arcanis consiliis tuis, in ipsis penetralibus hærent, ut minime mirum sit sana tua & salutaria consilia rebus tam contrariis & repugnantibus interpellari. Sed quum Deus immortalis extremo hoc & nouo discrimine, in quod Guisius te præcipitauerat, liberando omnem cum causandi, tum dubitandi tibi ansam præsciderit. saltem hoc ut te melius ames, & deinceps, quam ante hac, diligentius cures, permouere debet. ut commodis etiam tuis, tranquillitati & maiestati in posterum prospicias, id quum desideres, eadem plane opera & regni tui incolumitatem procurabis.

In extremo loco te ponam calamitosi belli facem & furiam, qui ad tuam perniciem, & patriæ pestem præclaras illas virtutes soles cōuertere, quæ propterea à Deo tibi inditæ sunt, ut utriusque pro dignitate officiosè inseruias. An nullas parricidio tuo apud inferos paratas tædas ardentes esse putas? qui tuam parentem, nefarie Nero, euisce-

euiscerasti? ob tam nefāda tua scelera, quorū vel ipse actor, vel aliis author extitisti? idq; aduersus eam, à qua tam infinita beneficia acceperis: Tanta mala (inquam) quibus mederi poteras, vel minus appetendo, vel modestius ambiendo, vel tam insanam illam libidinem aliquibus saltem cancellis & finibus circumscribendo. Immò verò tua ipsius infanda designata respue, hi tibi carceres, hæ cruces, hæc supplicia. Quod quisq; fecit patitur, suoq; premitur exemplo nocens. reperit sceleris authorem scelus. hîc vide Gehennam tuam Guisæ, omnium hominum miserrime. Quadraginta iam penè annos numeras, neq; adhuc tamē vel regij nomen arrogare tibi audes: Quando tandem hoc effectum dabis? An verò tam facile omnes tuos æmulos te perpellere posse confidis? qui in hac futili tua lætitia & ambitiosa occupatione efficient (hercle) vt incipit tibi doleat. Triginta annorum iacturam iam fecisti dum eos debellare voluisti: ex hisce decēniū totum præscindito, id tibi in lucrum deputato. restant viginti: Post viginti annorum decursum spatium, iam tum sexagenarius, quālis tandem nobis Rex futurus es? Sunt qui te audierunt Cardinalem Borbonium hoc

nomine faceret iridentem, cui tamen ipse non multò antè persuaseras, ut seniū suum folio & scepro oblectaret: ex illo veteri se pulchro tuum regnū fortassis eruere speraras. Et si aliquando hoc contigerit (quod Deus immortalis omen auertat) quàm plurima tamen tibi adhuc desiderantur, quæ optatis tuis respondeant. Tu cubito fortassis Regem Nauarrenum deturbare cogitas, vanam sine dubio spem, inanem certe laborem, falsam deniq; & frustratā cum tui ipsius, tum prolis tuæ expectationem. Quin tibi potius ab illo cauendum Guisie si sapias, censeo: Ex vnguibus leonē agnosco, qui illi indies crescunt magis, tibi, vti spero breui refecabuntur. sed fingamus saltem te deturbasse. quū hoc factum iam sit, num tu propterea continuò regnas? Si post Regis Nauarreni fatalem occasum, Gallia statim prædē exponatur, secus enim fieri hoc nunquam potest: an tu plus potentiae aut iuris plus quàm rex Hispaniae habere tibi videris? plus quàm Sabaudiae dux regi Galliarum ex filia nepos, tu ne illo propinquior, qui regiam neptem nouissimam in vxorem duxerit, tu proximior quàm Lotharingiae dux, qui in ista petitione & senior & potior est, alius item ex filia regi nepos?

nepos? E contra verò si regni status integer
 saluusq; permanferit, qua ratione tandem
 saltē legitima Principib. Catholicis regio
 sanguine prognatis istam prærogatiuā p-
 ripere te posse putas? Qui cū & numero
 multi, & ætate florētes sint, non video cur
 tibi non meritò fiant posthumi, nisi tuo tu
 scelere abortiuos feceris. Tum verò prius-
 quā hæc tela tota texitur, q̄s hac in re satis
 tibi stipulādo cauere poterit? regem q̄ iam
 viuit tibi nō os obliturū probe? Illo super-
 stite, tibi vota faciēda sunt. In hac despera-
 ta tua curatione, illi primò omniū vena in-
 cidenda est, ita peritū te, & medicum & mē-
 dicū ostenderis: hic lapis tibi amouēdus
 est. Ille vnus plus q̄ mille Nauarreni lumi-
 nibus tuis officit, huius lepidi & callidi cō-
 menti nisi tibi in mentē venerit, hem Tha-
 les Milesie, te non emam teruntij, nam in
 seriis negotiis nimius nugator es. Etenim
 rege viuo à longe salutandum tibi regnū
 est, idem etiam & durante hoc bello ciui-
 li, si modò id pergis facere, quod iam facis.
 At tu homo scilicet modestus, nihil minus
 quàm regna cogitas, & quorsum igitur ista
 omnia hominis flagitium? Nisi hoc sit q̄ te
 furiis exagitet, nisi inexplēbilis quēdam &
 vesana regnandi libido te exstimulauerit

quali olim Marius, Sylla, Cæsar perciti sint? Te diris deuoueant oportet posteriorum secula, quòd cælum & terram ita miscueris, nullius rei gratia, nisi vt vna cū Xerxe quasi mel ex Hymetto peteres. Pestis teterri- ma societatis humanę, hōnoris contentio, quę tamē quos possidet, tanta corona pul- cherrimarum virtutum stipatos plerunq; reddit, vt eos dum reprehendimus, admire- mur tamen. si elatus tantū & excel- sus animus ad regnandum te pertraxit, ita dixerit aliquis fortē è posteris nostris, gra- uiter medius fidius hanc in partem peccas- se naturam, quòd regem te non procreārit, quum, vt rex fieres, ipse in te tam audacter hoc susciperes. Neq; forsā harum calami- tatum tantę stragis, quæ à te priusquā re- gnum adipisci queas, edēda necessariò est, in te faba vlla cuderetur: verū ita potius lo- quetur posteritas, fata tibi aduentum tuū insigniore nota consignare voluisse, te ni- mis magnum futurum, vt per vsitatā por- tam prodeundum tibi nō sit. terra non ca- pit Herculem, nec vnus orbis Alexandrū: summa quęq; demolienda fuerunt, vt No- stro Ioui sat loci esse possit. Nec aliā ventu- ro fata Neroni inuenere viam; atq; ita qui- dem multorū sentētiis reus sisteris. Sed ita
tamen

ramen vt plurimi sese tui quàm similimos
exoptarent. vel econtra dum remissiùs
sceleratus esse vis, producendo nostra ma-
la aggrauas, eos imitatus qui res temerè
tractant turbidas, pergis turbare porrò, vt
ne quid possit conuiuiscere: ita hoc bonũ
quietis & tràquillitatis nobis inuides. Ma-
la interim multa ingeris, & animo obsecũ-
dabis tuo. Quid interim de te posteri no-
stri prædicabunt? Contrà quã de illo apud
Homerum *ἦς δ' ἐπυρόντων*, & quæ sequuntur.
quis eorum vnquam de tuis rebus gestis
fando audierit, qui te non Lorarium huius
seculi verè appellarit? sed quoniam rex es-
se non possis, (vt es moderatus) ne deside-
ras quidem; & quũ id, quod velis, non pos-
sis, prudenter quidem vis, quod possis. id
sat tibi esse putas, vt rerum statum pertur-
bes & diuellas: ea gratia vt saltem in diui-
sione meliorem tu partem sumas, in quo
adhuc etiam miseriorem te ostendis. An
non sat virtutũ à Deo accepisti quibus am-
plissima ab eo cõmereri poteris, quiq; suo
iure ea tibi dabit? quĩ hoc suo bono rex nõ
mediocriter lætaretur, quod te semper prẽ-
sentem haberet, idque parentis loco, quo
illi es, & pro bono & fideli seruo, qualis
illi esse & potuisses & debuisses? Nonne

tibi satius esse ducis regi, proprio debita obsequia tua præstare ad patriam seruandam, quàm extero principi mancipio esse, ad eandem euertendam? Etiam atq; etiam, quid feceris vide. Et pater tuus & auus paternus in Italia regis Hispaniæ partes propugnarunt, & tu eorum exemplo idem in Galliis efficere vis. Siccine patrissas? sed neq; adhuc in eo sunt omnia. Quid igitur? Id profectò est: Religionis Catholicæ ardore tibi pectus flagrat. scio te hoc in concione & conuentu strenuè proloqui, in priuatis cubiculis multò secus. Et tamen adhuc verendum est, nisi citius Palinodiam canere didiceris, ne valde te tui pœniteat, quòd Parisiis regem tuum confidenter satis eieceris. Quid num ille etiam Hæreticus est? Non. At rex est, quicumq; vel re, vel spe sit, hoc vnum scito, tibi inimicus est. Sed tandem tanquam forex te tuo iudicio prodis, & facile ostendis, eadem plane causam esse cur regi Nauarrenno tam malè cupias. Te videlicet illi suam magis inuidere hæreditariam spem, quàm Euangelicam fidem: neq; dubito, quin si ille pateretur te fore regem, tu illi facile permitteres esse Hugonorum. Summe Deus: Hæccine tua ardens religio est? At quorsum tandem, vt eam augeas? At cum

cū multa etiam adhuc Turcæ & Sarraceni existunt qui Hierosolymitanum regnū detinent, tibi & tuæ familiæ hæreditariū, quin tuos neruos multò potiùs contra illos, quàm aduersus Galliam patriam tuam intendas? An verò vt religionem tuam defendas, ita vehemens es? At quis est qui oppugnat? num quis tam audax vt litem aliquā Catholico intentare velit? hæc ergo mea sentētia est, te nobis persuadere velle, lupos sibi iam ab agnis metuere, à ceruis leones. mira naturæ mutatio. & tñ tu hoc idem dicis. pro singulis in Gallia Euangelicis centū numerātur Catholici. Si rex Nauarrenus viuo iam rege Catholicos persequi sibi in animū induxerit, irritabit forsā crabrones, qui vlciscētur probè, si post mortē regis, malā (me hercule) inibit gratiā. At longè aliter seres habet, neq; illa p̄ te afferre deberes: leuia hæc sunt, ludos nos facis. Quin dicas (fodes) id q̄ res est, idq; apertè, vt omnes te audiāt, te solum regnare velle, te regē fieri, nihil aliud desiderare. atq; hīc videmus viuīs & veris suis coloribus tua depicta insignia. Sed ad finem iam p̄perat oratio, rē concludā nec ampli⁹ adiungā, nisi vnū aut alterū verbulū deliteris illis quas euulgari curasti. Primū hoc

profiteris, idque publicè, te solum eum esse qui institueres expeditionem illam Aquitanicam contra regem Nauarrenum, in quem tu tam mirificè eras affectus. Sed cur tandem alteri munus hoc delegasti? ac nò potius tu ipse illud subibas? Primùm illud quasi præconis voci subiicis: te Aquitanicæ expeditionis authorem & procuratorem fuisse, dein contra regem Nauarrenū quem tam deperire vis, vt perire eum maximè cupias. Verùm quid opus erat, vt aliis hoc munus demandares? cur non ipse potius subiisti? Tibi ducis Ioieusij exemplo aut certa victoria petenda, aut gloriosa mors tibi oppetēda fuit. Quin tu regi iam tuæ personæ industriam offeras; primo verbo conditionem acciperet. Eò clientelas tuas & copias traducas. rex hisce aliquid adiungeret ex suis. Ibi bellorum faces, ibi dignos virtute tua hostes inueneris. Quorsum in Picardiam tuas flammās accendis. Num & ibi heretici sunt? Deus immortalis si illud largitus nobis esset, vt Calerum & Bolonia regi Nauarreno tam essent obnoxia, quàm tu insimulas, ne Lutetiam ita perturbasses, tempestiuè tibi prospexisset. Iam tibi otij fuisset, vt te inter Chaallonica tua claustra & repagula, tanquam fir-
mo

mo sepro compingeres, neq; de alia re magis sollicitè, quàm de defensione tua cogitares. Verum astutias quæso hominis videte. Tu id agebas, vt rex fiduciariâ tutelam regni Galliæ, tibi ouem lupo committeret, ipse autem in Aquitaniam in militiam proficisceretur, tuæ solius causæ vindex, ad euertendum regem Nauarrenum inimicum tuum, ad res tuas ibi stabiliendas. eò nimirum, vt dum ille de vno tuguriolo obsidendo sollicitus esset, tu interim domi munitâ aliquam urbem caperes. Et hac insuper lege & conditione; vt reuersus iam omnia tibi concederet, & quousque & quoties tibi ipsi visum fuerit. Addepol dux haud stultè sapiens: ipse Apollo nunquâ rectiùs tibi consulere potuisset: haud satis tamen inescare homines nosti Sanio, & ille magis prouidus tibi hac in parte auscultare noluit. Adde præterea ducem Espernonium Hæreticos ppugnare. Quidni igitur omnes mortales quotquot sint, qui te regē esse nolunt te iudice vel Hæreticos, vel hæreticorum patronos esse necesse sit. Id si ita sit, satis magnam breui copiam hæreticorum habebimus. Hoc interim tu instar oraculi certum ratumq; habeto, si vel minimum clandestini aut consilij aut colloquij illi cum rege

intercessisset, si vel munitissimam urbem earum quas sibi subiectas tenuit illi in manus tradidisset, si vel tantillū pecuniis suis reliquisq; subsidiis, quibus ille tum abundabat, regi Nauarreno opem tulisset, nihil vel gurgustiolī cuiusdā in Galliis tibi iam relictum foret in quibus te occultares. Res Guisianæ planissimè ad restim rediissent; tu & totus & funditus iam pridē interiisses. Huic igitur de salute tua gratias agito, cuius sincera fides & semetipsum, & regem suum & magnis & præsentibus affecit incommodis. Sed ille, inquis, in Picardiam & Normaniā lites captatum iamdudum abiit: quam tu (quæso) tādē particulam in illis duabus regionibus obtines? Quarum vni piæ memoriæ defunctus Alenconius præfuit, cui absenti rex suos substitutos surrogauit. Alteram dux Ioieusius eodem plane modo tenuit, neq; tu, neq; maiores tui quicquā hīc iuris obrinuistis. Sed & ad hæc facilis est respōsio. Nam cū regnare velis tibi quicquid libeat & liceat etiam necesse est. Proximè sequitur querela tua eaq; grauis de nōnullorum hominum rumusculis contra te tuamq; existimationem diffeminatis. Quos tamen (diis gratia) his tuis rebus gestis postremis præclare refutasti. O Atticum

Atticum planè oratorem. quod nisi ita esset, nūquam ista tam pulchrè perpurgasses. Incusâre te homines nimis illi quidem maleuoli quod in nonnullis huius imperij ciuitatibus tu tanquam turbulentus tribunus seditiosè populum contra magistratus suos à rege datos concitaris. Tu quàm leui brachio ista repulisti tum, cùm Parisienses aduersus ipsum regem suum irritaueris; in ficto maledicto tam parū est roboris aut firmitatis; tum reprehēdunt te, quod in Proinciis tuis de Chaallons, Reius, & Seisons, reliquisq; locis, vbicunq; tu vel vnum pedem posueris, regia vectigalia sis depeculatus: Quæ cōmodior ratio istam infamiæ labeculam eluendi quàm (id quod tu feceris) in regia ciuitate ad regium ærarium cucinulos agere. Leuis deniq; suspicio est te nescio quid aduersus regem & regnum machinari & moliri, tyrannidem affectare, in hunc finem te cum tuis coniuratis, quibus rex præter quā decuit parere voluit, opulentas & munitas aliquas ciuitates occupasse.

At vero istos fumusculos vnus ille tuus Lutetiā aduent⁹ quasi vêtus dispulit, quū & illos tuo imperio subiugaueris, regē expuleris, satellites q ad corporis custodiā essēt vi cogeris, armis denudaris, vulneraris,

trucidaris, vniuersam deniq; multitudinē
contra regem & armaueris & animaueris.
Hoc pacto pulchrè tu quidem latrocinium
sacrilegio, homicidium parricidio, delictū
atroci scelere vis diluere: quid aliud hoc est
quā cum ratione insanire? sed in eo trium-
phare visus es, quòd octo tantum viris no-
bilibioribus comitatus Parisios ingredi au-
sus sis, manifestum innocentiae tuae indi-
cium. O Hercules quā mira narras, quā
nos audimus inaudita? Quin Rupellas te
conferas cum noua tua turba aulica omni
clientela & vniuersis praesidiis tuis, nisi dis-
cessio tua fugae quā similima sit, exem-
plò tergum tibi fiet corium bubulum. In
inferiore Britania facile hoc est dicere, ve-
rū quibus isthuc cognitum & perspectū
est, totum regis consilium pro te facere,
reginam matrem tibi fauere, nullum non
seditiosum aut turbulentū hominem, nul-
lum non baiulum aut calonem, totam de-
niq; plebem à tuo nutu pendere, illi palam
prae se ferent & profitebuntur, simplicitatē
hanc tuā nimiam fuisse astutiam, innocen-
tiam plus quā suspectam perfidiam. Quī
hoc tibi persuadere potuisti, vt nos crede-
remus, te tam remissē & oscitanter te velle
regi credere, qui post consceleratam illam
socie-

societatem initam, cum in consilio illo vestro ad sanctum Morum, altero quasi Tridentino, pestilentissima scita foedissimi foederis, ad summa sua capita nimis capitalia reuocaretis, tu nunquam accedere ausus es nisi æquali cum rege stipatus satellitio, qui tam diu quàm ille in acie & militari tabernaculo contra Germanos equites versaretur, tu ne è limine pedem extulisti, nisi semel tantum illo capto, tumq; per vnus horum quadratem emanisti. immò verò hoc tuæ potius sollertiæ est, Guisæ, istiusmodi facinora patrare, quàm perpatrata defendere verissimile id quidem videtur, quoniam de eo tibi gloriari visum est, tuæ hoc potestatis fuisse, regem vel inuitum & reluctantem quasi captiuum detinere. Hem! quid ex te audio alienigena? Regem Galliæ te posse vel repugnantem detinere, id quod tota Europa coniunctis viribus vix posset efficere? Ipsi Imperatori semper Augusto heroica animi magnitudine prædico hic labor, hoc opus foret. Si auus tuus paternò hoc prælagire potuisset, nepotem tam nefanda verba vnquam prolaturum, strangulasset proculdubio patrè tuum potius quàm tam infelicem prolem procreasset. In imperio pacato regnoq; tràquillo hoc vnum

verbuli te capite tuo mulctasset: atq; hanc etiam aliam causam videmus, cur omnia tu perturbes vnus. In reliqua parte literarum tuarum tuo saltem iudicio voces ita dilucidæ sunt tamq; compositæ, arte pauimentum quod ille dixit, vt difficilimum sit contradicere. In illo loco de fortitudine tua prædicanda admodum copiosus es, quæ tam manifestè tua demonstrant consilia, vt nesciam quid amplius desideremus. Extremum tantum mihi arripiam, in quo fateris te Bastilliam arcem Parisiis munitissimam, & armamentarium ipsum inuasisse, aliaq; loca publica, tum ipsas arculas in quibus regis redditus annui & cætera vestigalia reponebantur. sed eo tamè hæc omnia consilio vt tandem in manus suæ Regiæ maiestatis pacatæ iam & sedatæ omnia restituas; talia videlicet qualia Põtifex Romanus & Principes Christiani intercedentes assignauerint. Id si minus fiat, saltem tuis subsidiis Catholicos nexu quasi & mancipio soluere tentabis, & de eorum seruitute vindicare, qui ad regium latus hereticis atrocitantur. O noster Zeno, quàm neruose cornuta & aculeata tua contorques dilemma? nisi fallor hoc verbum pacatum ita intelligis, non quietum aut sedatum, cuius iam

iam deferbuit iracundia, sed in ea potius
conditione constitutum, vt quasi manibus
à tergo reuinctis ne cum mulca quidē iam
belligerare possit. Eò vero illum loci per
Hispanicas & Italicas copias te redacturū
confidis, hæc illa est, quam dicis interces-
sio, & tandem vt breui omnia complectar,
tu ē multis vnus & miser, & imbellis sub-
ditus, seruusq; regi tuo bellum denuncias.
E vobis coniuratis alij sunt qui hoc leui-
ter ferunt, alij etiam qui rem seriò aggre-
diuntur. Si augustissimæ memoriæ defun-
ctus imperator tantillum verbuli huius pa-
tri dixisset, totus orbis Christianorum in
duas partes diuis⁹ mutuis inter sese armis
congressi fuissent, hoc vnico verbulo in-
citati. Deus modò immortalis pro sua infi-
nita misericordia huic Regi nostro sanio-
rem mentem largiatur. Tu Guisæ, quam a-
liis iam diu machinatus sis, paratam
sibi pestem putes, vt parti-
cipes parem.



F I N I S.

